

聖宋名賢五百家播芳大全文粹

十二

聖宋名賢五百家播芳大全文粹卷第十八

賀啓

都督

賀陳丞相兼都督仍兼宣撫啓

熊子復

伏以神旌北指方進取於中原天仗東旋獨仰成於上宰董數路
飛翰之旅慰兩河塗炭之民朝野懽呼華夷震疊竊以昔晉襲
魏而崇都督之任故謝文靖以元臣摠衆遂捷淮淝我宋必唐而
抗宣撫之權故韓獻肅以家輔臨邊果屈靈夏曠古今而一遇遼
前後以相助聖昨屬羗胡輒渝盟誓騎搃旣蒙於淮甸邊鋒亦數於
漢襄獨犯歲星之所臨咸料佛狸之必死穢狁孔熾我是用急煩
大駕以按臨徐方不回王曰還歸留上台而經略肆揚大冊兼畀
重權蓋漢將多才賴陳平之盡護而蔡人新服資裴度之來宣恭
惟都督宣撫僕射相公大業格天遠猷經世曾蟠万卷聊試出
其緒餘掌玩四夷率皆得其要領時方无虞則裨贊朝謨而存持
正之体世或有警則措畫邊瓊而高應變之才惟天闕於成功
宜帝齎於良弼比隨清蹕往視連營借前勛於張良委决帷中之
勝示輿圖於鄧禹特分麾下之軍方將施發縱指示之謀布還定
安集之政豈特使河南之復庶幾今漠北之空旣咨方叔元老之
壯猷誰謂匈奴中國之堅敵某夙陶坎北逃陰焚燿靜觀形勢之
張仰羨規摹之壯猷慶後傳阻造軍門相同德而迄天誅即致干
戈之戢奏膚公而定王國仍觀衮繡之歸

賀張丞相兼都督啓

蘭巨功

疇咨元老首冠鴻樞自祖宗欲再相於舊臣先施此典宜神聖又
一新於督府爰奉徽章國重以人德浮於位恭惟某官道侔三
代之佐李閔百世之師即之溫然乃名滿寰區而不處識其小者
謂材兼文武之有餘國論万變而守如初孤忠百鍊而難於合胡
馬南牧折箠以斃其酋袞袞東征投戈而拜吾父與其淹恤於邊
閩曷若遄歸於廟堂蓋欲傾海以洗乾坤公之始願則不以賊而

遺君父誓不俱生上勉徇於精誠禮姑崇於宥密閔河壘勳華夏
氣舒万口驩呼孰不誦諸葛出師之表諸生延佇又將賡武公入
相之詩某吏畢言還郵傳聿至語心獨喜尚見太平於桑陰未徙
之間引頸非遙行望餘光於槐陰已成之下

賀呂丞相除都督啓

李堯俞

再頒命冊誕謨多方極三公保傳之尊揔四海兵戎之寄注安危
之兩意天子是毗備文武之兼資万邦爲憲允維新命屬在宗公
綸綍旣行神人共喜切惟宰相之用捨寔繫宗社之興衰考諸前
人頗有異論好持重者以不言爲有財樂清淨者謂無事爲可宗
且端拜廊廟而享太平何暇出旌旄而從戎事殊不知伊尹相湯
而伐桀乃作阿衡蕭何輔漢以滅秦遂爲丞相作惟都督是總大
師東晉獨王導首專其權南宋在義恭嘗假其節豈特擅征伐生
殺之柄且將責綏懷招撫之方風勵百蠻部分諸將任固隆於分
陝威已重於專征恭惟 某官勲冠百工道隆三事豺狼已猾悉
就誅夷草木微生成歸燮理人則履赤鳥而几几出則揚白芥之
央央假八路經略之謀兼二府樞機之要雖勞間寄仍領台司某
猥與斯民同依大庇其爲幸願倍積愆悛

賀湯丞相兼都督啓

洪景伯

伏以首領國秉併董戎昭馳中郎之使於單于將備正名之典兼
太尉之官於丞相示恢偃武之圖万里揚聲百蠻禔氣切以揔兩
科之見利漢固守於和親漢德以視師唐必先於整頓有蓋交鄰
國有道而重啓邊釁况用真儒無敵而匪緣兵威矧夫華夷要約
之未堅江淮戎役之久暴用疇上宰悉護諸軍定功而不爲貪功
和衆而非以動衆雖採晉朝之官號寔符治古之師行東征若周
公將是皇於四國北伐如吉甫本爲憲於万邦坐令聖武之昭自
致人兵之亟恭惟 平章都督僕射相公道闕百聖功冠兩朝輔
帝舜以重華方制亦蓋夷之猾夏佐有商而專美深虞甫曹之起戎
議靡惑於拘孥識自參於窠巢果堅上意允合民心廟筭不移

勳節宜加於躰貌兵權是摠折衝正賴於精神收發縱指示之功
廣輔贊彌縫之用某夙陶鈞播益聳巖巖瞻四方時靡有爭會見
甲兵之洗三公官不必備即聞袞繡之迎

賀陳丞相兼都督仍兼宣撫啓

朱子發

伏審疇咨上相經略中原運動神機董虎貔之諸帥布宣天澤弔
鴻鴈之遺民威聲聞節斧之臨喜色見單壺之近切以陳平尺護
諸將果收破楚之勳裴度往釐征夫迄底平淮之績以帷幄之傑
而授戎略以廟堂之宰而敷帝恩攷之古今僅有一二况文昌之
左輔揔天討之中權蓋虞帝東巡方慰岱宗之望故宣王北伐獨
資吉甫之猷事有至難時弗可失恭惟都督宣撫僕射相公經
邦任大濟世才高武王誕將天威有若閔天高帝能用入傑不如
子房陪清蹕之時巡致穹廡之宵道天旋日轉王曰還歸霆掃風
除虜期殄滅屬五无老成此大功方將俘馘酋豪洒掃陵廟遣戎
兵以陟禹迹使吏士復見漢儀某馳傳所繫拜塵伊阻路車乘馬
而遣申伯逖仰宣威袞衣繡裳而迎周公佇聆奏愷

賀葉樞密兼都督啓

白宋瑞

分憂宸極督戰江干諸將四馳競掃滔天之敵中原一混悉歸輿
地之圖宇宙廓清神人歡喜切以蚩夷猾夏皇陶務正於典刑戎
狄亂華孔子尤嚴於筆削蓋以豺狼之當道必率禽獸以食人此
智者見微而預圖而仁人感憤以垂涕垂茲羯虜介彼朔方以其
地則不大於周之亦蚩荆以其民則不敵於漢之甌粵驅馳狡衆蹂
躪神州清蹕翠華久駐東巡之駕白麾黃鉞未消北顧之憂腥風
吹射於四方虐焰流移於三紀謀臣策士嘗歷筭以周思悼卒武
夫亦遊談於聚議雖曰礪乃戈而鍛乃刃孰能犁其庭而掃其閭
豈知具衰撥亂之功苟待拯溺救焚之手恭惟某官洪深而肅
括剛大以直方上帝降康特賚傳石之說皇天眷命挺生崧嶽
之申高明百世之師智勇万人之傑自奮身於朝列尤切齒於寇
讎固嘗登灞岸以望長安涕洟交集幾欲會涿郡而絕大漠寤寐

不忘遠東西樞亟奮北伐念衆人有所不識惟明主可與忠言朝
謨朝奏於九天邊警暮馳於四鄙士皆沮駭公獨請行謝安當肥
水之師了无懼色裴度董淮西之役敢計還期籌帷端坐於一麾
軍氣頓增於百倍旌旗所指漿食爭迎前徒奔潰以倒戈元惡遂
巡而授首斷鼉足以止四極射旄頭以靖八荒故國山川尽入職
方之貢賦中原父老重瞻司隸之威儀曠古所難非公孰克第功
行賞當冠漢庭之十八侯裂土分茅行錫魯邦之七百里其迹遠
六符之采親聞三捷之音上喜慰祖宗在天之靈下幸息黔黎塗
地之苦河如帶而山如礪莫紀元功墨成海而筆成倉難形善頌
賀吳少師易節啓

毛伯穎

王者之兵本仁義方恢闢國之功天下之將通神明允賴扞城之
略折遐衝於万里注睿想於九重治兵方靖於朝廷求士每開於
東閣雖條侯之得劇孟已坐制於敵情而許歷之謁趙奢猶願言
於軍事爰自胡星之彗孛荐經寰海之沸騰率隨喪挽弓之民脅

方十八

四

潢池弄兵之子荐爲地豕既汚秦地於神臯夫取鯨鯢敢睨蜀都
之沃壤仇讎密迹疆場多虞長戟勁弓雖保山河之固藤衣媮食
但期朝夕之安遠貽當宁之憂每重登壇之卒聽鼓鼙而思將
帥之任賜弓矢以專征伐之威爰得偉人以付全蜀岷梁境土坐
收奠枕之安衛霍功名僅陪扶轂之役究觀古昔孰與等夷恭惟
公官天挺沉雄神資果毅隱若敵國典刑肅著於家声賢於長城
方略力扶於帝室任既隆於分闡志尤切於請纓綸巾屯渭上之
師繡帽識山西之將采詩書禮樂而成其利有智信嚴勇而兼以
仁仰遵神武不殺之威尺得上兵伐謀之道橐囊兜鍪肅雨中權
後勁之儀鼓鐸鐃鑼致布令陳辭之用兇渠震懾羣醜追奔細柳
營屯但聽亞夫之令曲梁行陳孰干魏絳之刑忍厲風雲威加草
木廓清氛祲何止勒燕然之銘宣暢威靈固將繼營平之頌申信
賞於山河之誓叅休吉於金石之和不日而成惟天所授其衰遲
末路兀散下僚雖從文齊魯之師儒頗慕秦梁之節義金閨通籍

遠懷銘抱斬之流油懷充負无走章馳激之效又積依劉之願遂
詣御李之禁寔獲我心云胡不喜洗心滌慮繼陪鈐下之簪裾頌
德歌功願備囊中之翰墨

賀張都督啓

張少瑜

運命朝謨按行邊瑣文昌上相光臨牛斗之墟太一靈旗潛止鯨
鯢之戮岳祗脩貢湘石靜波縱巨艦之千艘來長風之万里賦青
丘而吞雲夢遂播前歌登瀛岸而望長安方觀盛本氣溢地表喜
動天顏中興可期天下幸甚恭以 某官精忠貫日勁節橫秋論
思自結於主知康濟累陪於國是虞淵靜難并洛宣威整頓乾坤
實社稷万年之幸用作霖雨盖君臣千載之逢揆路揚輝斗樞兼
運四海之亂離瘼矣敢憚于行重湖之戶口蕭然請觀其亦齊壇
受鉞柔日建牙望寔是所符神人依相仁風義象初不待於交兵兇
渠逆儔旋即聞於授首信威殊俗振旅還朝晉公之威名已隆既
平淮蔡蜀相之盈心益壯當定中原方與士夫同茲勲伐某侵尋
晚景孤苦餘生榮養不留明恩未報膚功成喜敢賡江漢之詩來
事可爲願贊燕然之勒路遙北闕氣爽西山冀精五鼎之調式副
六符之倚

宣撫

賀揚郡王除宣撫啓

劉子聲

伏審簡在宸衷倚數廟筭諒武王而肆伐已高尚父之勲命乃虎
以來宣庶及淮夷之寇摠熊羆之列將拯鴻馮之遺民万里揚聲
百蠻襁氣恭惟 宣撫太傅郡王才長而應博任大而眷隆高密
元勳冠漢室中興之將汾陽偉業爲唐家異姓之王勤勞又處於
巖除威文遠馳於沙漠比提禁旅屢破胡兵屬大駕之還歸付中
原之經略方將布天恩而軍情暖於袂續據地利而兵勢順於建
瓴瞻望兩都則故宗廟宮室灑掃有期拍塵諸將則舊營壘麾幟
精彩自倍某猥縻駟傳阻拜轅門四方時難有爭看即清於王略
三公官不必備還遂陟於師垣

被旨宸衷移司邊綢獨專節制兼領便宜將布宣天子之威以增
重朝廷之軀風聲遠暢將士交歡切觀夷狄之去來蓋示國家之
強弱可以明訓請驗前朝寇萊公決策於親征一矢投機於達覽
富鄭公約盟於修幣百年弭禍於契丹戰者非有心於怙強勢不
當和而當戰和者非曲意於示弱時未可戰而可和允爲主謀之
臣當審御戎之策惟敵國有和而有戰故宣臺迭廢而迭興樞相
張當轉戰之功黜陟自專權不得不從而重資政鄭處議和之後
禮法自守權不得不殺而輕一則權至重足以有爲故能按擢羣
雄類皆銘鐘而勒鼎一則權雖輕有以自立故能折服諸將孰敢
攘袂而指天彼累政姑息而太阿倒持兩公激昂而屈指可數求
於今世豈无若人儻匪大儒曷追前軌恭惟 某官又爲人望親
結主知九重深託於腹心万里獨專於方面祭之食品賞以觀文
待遇之禮有如此之隆倚毗之誠有如此之重俾盡護於諸將謂
敢懷於二心陝以東而陝以西有名分而守關以內而關以外如
輔車之依勢相錯於犬牙事深防於矛盾蓋一相處乎內所當遠
慮以深思而五大不在邊要在防微而杜漸豈止外嚴於守備蓋
將內謹於周防戰攻於此合從緩急可以共事經畫一定威名四
馳平居推赤心以待人未嘗敢後君卒臨白刃以赴敵孰敢不前
載念常勝之家豈无可乘之隙今胡騎寢聞於南牧我王師徐議
於北征投鞭於江衆豈可恃太白食月敵其可摧矧屢敗於前盟
不少虞於後禍陽收歲賂陰蓄豐端罪已貫盈勢將瓦解宜必
邊尺此於宿將而傳檄可歸於故疆進圖以復則可定中原還保
險固則未爲上策願此設施之先定想皆談笑而不勞若夫幕府
之上賓當取精神之高選緩頰能於排難飛矢可以解圍投於風
波之地而心不驚置在鼎鑊之前而色不變以共赴功名之會亦
同輸忠義之秋至於軍國大謀邊庭密議雖鬼神而亦避豈口
舌以能爭備負而行願餘人无可者曳裾謂見願借箸有以籌詩之

賀吳樞使除宣撫啓

劉子駒

聖主乃眷此方慨然南面而數諸將未有所屬命我西樞之臣往
臨漢中填服境外豈徒連營喜而動色固亦敵國畏而寢謀諒天
啓於睿衷使公畢於能事蓋新安之晚歲頗失統御之和況武興
之重屯莫知什伍之數及除斯敵今正其時恭惟 其官深被東
知再君宥密必爲國家畫經久之策遂於疆場圖備豫之方宿兵
三邊而部分未甚明綿地万里而緩急何以守莫若坐轅門而申
令咸得超軍伍而自言名相推奉足以見議論之公退加考察然
後究才能之實昔周世宗於是拔以次而爲何微之代近曲將軍
以此選於衆而得吳玠之才既擇良將而付之戰攻又建強藩而
爲之扞蔽果今形勢可得而恃則免倉卒不知所圖是爲節制之
師采據要害之地明公可歸廟堂而端委有事則出羽檄而指揮
一定規模但觀機會當寧垂衣而何慮寰區莫枕而不憂率土之
濱莫非王臣兼可收於故地生民以來未有夫子孰得比於元勳

方十八

七

其竊願明公之名高出古人之上輒陳鄙夫管穴之見皆本當世
縉紳之談敢異高明或垂採納

賀王殿學除宣撫啓

馬子才

神旗翠蓋方展義於江吳大纛高牙實寄取具於岷蜀采簪紳之宿
望仗搏狙之宏謀長城巨防致邊烽之帖息輕裘緩帶見民堵之
徵呼鼎彝方奏於隆勳篋積兼收於遺雋擊轅拊缶雖敷白雪
之音彈憤振衣願附青雲之足恭惟 其官明堂祀梓清朝璫璜
李問淵源博聞強識之君子智謀經緯簡德易業之賢人戎昭累
試於价藩文處獨高於清橐屬聖王念坤維之彫瘵命大臣申
巽號之撫綏讀書命於行臺儼軍容於太府轅門玉帳精神折於
遐衝羽扇綸巾謀慮愔愔於勅敵不愆于素克壯其猷朱英綠勝
益盛魯公之徒旅彤弓茲矢將錫晉侯之典章丕昭帝圖懋建臣
績其瓊才弱質濳奉局聞取湮替於家聲異徊翔於執紼死義冠
結綬幸隨材閣之賓抱軫懷鈔謀玷蘭臺之侶朱愚自守藍然

无成比牒併名皆踐公卿之貴閉關却掃盡謀田里之歸未成三
徑之資猶苟一毫之祿念獲親於言笑深願就於範模雖抱影於
空廬每馳情於交戟烏則擇木果依嘉蔭而棲魚潛在淵當幸餘
波之潤

賀盧尚書除宣撫啓

邵公濟

光奉制詞併疏典禮分符節而出使賜鈇鉞以專征進龍閣首冠
於羣儒升虎帳大護於諸將慶闕宗社歡動神人恭惟 其官博
大宏深高明忠恕揚歷三朝之舊進登八座之尊家傳素書國有
青史夙奉間燕之對初不言兵終建保蜀之勳自能却敵異論荐
興而功愈白邪說中熾而道益尊雖滔天之甚危欲毀日之安可
公不爲動上果無疑惟君臣賢聖之相知實天地鬼神之陰相宜
王止勤於北伐周公正賴於東征當上命之初頒均下情而共快
任寇望風而退舍齊民指日以莫居人若更生虜將送死某盤跚
不進結約无奇悼一飽之何時窘于憂而繼日官已詳於州縣迹
將遁於山林恐終負於吹噓每自傷其流落裴度之平淮蔡得退
之以載頌詩李晟之復長安屬公異而爲露布碩茲文字之美實
爲賓主之榮念欲報於大恩或有須於末役自慙不武敢曰論文
果獲紀於成功庶得陪於盛事

賀盧宣撫啓

李仲之

聖天子明見万里深軫邊防賢宰相外撫四夷式酬睿意大庭敷
命諸夏傾心竊以坐朝堂而進退百官者台輔之權填方面而鞭
笞羣兇者將臣之事內而身臂之使指外而手足之捍頭任有不
同才惟各稱成王造周而西處一相王導輔晉則出督諸軍何疆
場輟輔弼之臣蓋朝廷重本根之地雖主道治近不治遠然聖人
視外猶視中禮樂因任於大臣詩書亦謀於元帥然抵掌鳴劍者
武夫至於輕敵而雅歌役壺者儒臣足以折衝故羊祜鎮南夏則
陸抗深服其威祖逖據譙城而石勒不敢爲寇是宜外闕咸寄重
臣恭惟 其官天下偉人本朝元老李者山斗國之耆龜忠義出

於本心文章特其餘事曩長江之間鬪致寇盜之憑陵百萬兇徒衆寔數於淝水二三大將誰有志於伊吾遂從言語之官出摠師徒之任此方圍碁而對客謂尺璧之可答彼欲投鞭而斷流竟隻輪之不返凱歌既奏衮衣以歸旋持西府之權許奉東征之使隱若敵國賢於長城俄別玉屏歸調金鼎中國相司馬而无生事已折虜心江左有夷吾而復何憂卒歸朝望志常在於報國位豈樂於愛身更欲安邊而立功名不忍留賊以遺君父爰上封章之請即加節鉞之榮碩方歡結於兩宮暫煩卧護於諸將左右師保之永賴出入將相之有餘草木已知其威名乾坤更賴其整頓天其或者生晟本爲萬人帝曰欽哉倚度足破方鎮其師門曲士洪造微生獲於聖時逢此盛季十陵祖考之咸相三秦父老之喜來還中原之舊都行獎三軍之衆空胡庭於塞上佇觀一卒之功

賀王宣撫啓

李仲言

天子明見万里寬盛時西顧之憂地官用知九州尚使節東歸之援惟去留輕重之注意故內外彼此之无心蜀道十年其已久矣漢庭一札尚切遲之安敢飾泛泛稱慶之言特願致區區遠來之說某聞仁義之論至近世三足而无補財賦之路在有司取之而益深十方告行大將誰知力辦千金取信一日安可緩圖疲心於木牛流馬之煩巧計於水舟陸馱之苦愛民則兵置養兵則民窮古來計通變之才竟无兼兩全之策豈有兵出暮年如太平无事之日財歸外府无一錢意外之求智名勇功清議甚白道王權伯微意不傳成規察然端可百世而不易陰德大矣豈且千人之必封某又聞遣使實難在古其重於平時道達德意尤不可忽矧兵間指授將帥豈曰姑行近者官軍卷甲敵境可爲寒心苟非王人仗節闐門立致解脰此何止吾蜀之利害固多繫宗社之安危唯公智識之高當時擾攘之際不獨裴度淮蔡三州之重要是春秋四海之通久留无嫌何以爲報會且歸矣社而稷之伏惟某官李明而氣高才博而意遠元祐之降得南豐豫章之止傳永嘉以

還有茂洪安石之可恃如五福太一之臨蜀若長城百万之折衝
荷慶符禁念法從貳卿之甚眷袞衣賜服當樞衡九府之久虛其
之此來公尚幸見陪下客以孝為政庶幾一言終身之依開東閣
以招賢人端欲異時九鼎之重其餘欣詠未究敷宣

太尉

賀蔡太尉啓

程公巽

伏觀詔制廣西亦鼎納土置南丹州幅員万里冊拜太尉者臨軒
用樂以答元功生旦廟策勳以崇殊典蓋名器以是浮而增重惟德
量故寵至而不驚戎夏聲聞神人溢喜古者天子有道守在四夷
賢人在朝折衝千里維時巨室必有世臣使其國勢之輕重繫於
存亡人材之盛衰視其進退崇堂遠地知廉陛之難攀猛獸在山
歎藜藿之不採當今之世捨公其誰恭惟 太尉輔翼聖朝股肱
帝室躬回天之勢而人主不忌有蓋世之略而天下莫爭乃眷
方采歸輿地闢國百里顧豈尋常通道九夷比為狹隘用能當四

方十八

十

輔三公之冠專五侯九伯之征兼軍國之異各極將相之隆數采
威有克壯之元老无競以列文之辟公而况今者符貺並臻君臣
歸美欽嘉祥以誕敷弘德異雅頌以文致太平主上虛己以聽公
明公宏度以鎮物叶此羣后之讓永觀晟榮之成歸如九鼎之
安靈丞承帝鼎之固

賀呂太尉啓

葛魚卿

伏審集路朝之班誕揚制命出少府之節禁付帥垣輟祕殿儒李
之英提和門韜略之要上心圖舊輿論交歡伏惟 某官資武以
文氣剛而塞休有身嘉之會了无強從之容蚤識技於先朝嘗參
持於大政入而訐謨在道非羣憂之策不陳出則談笑臨邊比方虎
之才何勦矧醜虜跳梁之際當高奴扞禦之衝敢嘯犬羊來攫貔
虎將五權而兼用月三捷以告功增秩賜金屢回於倦注登壇受
鉞尤示於褒崇某夙荷知憐數承眄睐側聽都俞之寵良深抃懌
之懷其在詠思曷勝敷叙

賀張太尉啓

崔德符

伏審誕頌麻制龍陟將壇喜氣光朝雅聲載路恭惟 某官直清
博大沉厚高明出入五朝身任四海之重雍容二省以耒俱九鼎之
崇留摠全師存弼累歲繕保勝安邊之策百廢具興奮鈞深致遠
之威狂謀自寢果聞顯渥敷告治朝豈獨光昭於弼臣固已聳震
於夷虜夫雄藩巨鎮固人情之所共榮而大憲懸高牙在儒者乃爲
可貴仰名實之具美揆古今而罕儔始游翰墨之場嘗先四海之
英俊速徧機衡之任遂秉一方之節旌凡此致身富貴之功實藉
兼資文武之効元老全德夫何方虎之敢倫遠馭長駟必適周召
而後止某被眷惟厚受恩最深方依節制之尊未恨身名之晚其
爲欣抃更倍等夷

賀呂太尉

黃景晉

勳書翊府寵錫師中朝野合聲華戎同慶伏惟 某官本朝元老
名世宗儒傳孔孟之微言講皇極之素望主廟堂餘事何拘文武

方十八

十一

之方江漢奇功无取干城之末豈特復近年之棄地若將補前代
之拙謀九壘相望隱若金湯之固七軍用命坐收茅土之勳然登
壇於二紀之前受鉞於百罹之後果有天工之陰薦何須人事之
多途白翟烏延久任有同於里社碧油紅旆晝歸終遠於鄉閭少
紆箋罽弄之衡固交混同之業某少馳鴈塞晚卧熊湘行吟於楚澤
之中賈勇於漁舟之上樓船下瀨難施矍鑠之能系職東歸敢獻
穆清之頌

賀劉太尉啓

程元裕

伏審顯承制命榮建干旄公議所歸輿情交抃伏惟 某官秉心
忠厚率履端脩威名久著於邊郵眷任素隆於中矣果膺異寵顯
貳元戎某首承翰壁之勤第切悃悰之愧疑寒在序珍膏是祈

賀辛太尉啓

某 內翰

出宣威命起進使權肅提貔虎之師俯鎮駸閩之地先聲所被屬
部知歸恭惟 某官李勳韜鈴家傳旄鉞名馳閩外常坐折於遐

衝族冠山西夙有聞於當世久從艱險備著忠勞暫寬南顧之憂
即正中權之拜其頌聯從農每接朝裾方得請於符章遂託安於
旌節駭攘暴亂已聞鄰境之清蘇息彫疲佇慰部民之望其爲欣
幸難及敷陳

賀文太尉啓

方雲翼

伏審誕布冊書榮更將鉞衍封多賦增秩上公聖朝褒德而祿賢
勳臣加地以進律述聞休命良切抃棕伏惟 某官王國表臣天
元間氣夙稟忠嘉之德尤高文武之能先帝東賢叅參於機務聖
皇圖舊又付於邊權殄逆節於羗夷震先聲於雲夏疆梁褫氣獲
安悛心請爲藩翰之臣永獻河山之誓乃銘功於彝器宜紀象於
雲臺歸冠案察叶調鼎銘其塞垣正事慶續後時遐全節靡第勤
心目其爲抃仰未易究陳

賀太尉啓

程子山

光奉制書榮加寵命伏惟慶慰伏以 太尉相公天資全德岳降

上靈黃石一編早契神傳之妙傳嚴三命式符帝賚之祥爰自蘭
錡訓兵齋壇謀帥伏波方略既闡合於孫吳邵毅詩書遂率先於
狐趙而鑿門受律堅壁防秋斬級雲中克清氛祲散金廡下大振
威名旂常備載於勳庸屏翰益光於倚注式分右地爰踐中台申
伯藩宣諒夾輔於周室段干偃息蓋卧治於淮陽今者肆類郊丘
推恩方鎮進掌武之秩用冠三公加食菜之封更踰千戶表聖朝
之尚德見明詔以褒功慰四海之具瞻實九鼎之增重其分庭納
頌雖殊荀范之衆人賀夏翹誠莫預申陵之下客欣忭之至倍万
等美

聖宋名賢五百家播芳大全文粹卷第十九

賀啓

制置

賀陳制置啓

李汝爲

伏審密奉隆恩顯膺異數擁諸道兵權之重任一時帝命之專以鎮侯藩增光帥幕凡居節制第切欣愉恭惟某官濟世才高立朝人傑文章出於餘事術業本於壯圖尚卻毅之詩書兼吉甫之文武忠誠夙著金百煉以難回正直獨行玉三獻而始辨感遇風雲之際會縱橫龍虎之韜鈴藹民望於摺紳結主知於黼宸邦畿之右伊雒而南雉堞相高卧護列城之寄舟車所會折衝千里之遙從十萬之王師宣九重之廟略曾中敵國天下長城總戎遠逮於重湖禦武行寧於全楚龍其遂之息盜賊俾嚮化以自安寇恂之撫吏民乃迎風而咸定舉賢能於不次錫綸綍於非常許以便宜展盡經綸之術久於委任倚成扞蔽之功鳴騶在塗抗旌入境郡邑相聞其風采官寮仰望其威名某濫預分符側聆視印未識荆州之面已託庇於帡幪仰瞻元禮之門但馳誠於履舄

賀韓制置啓

譚拂雲

伏審諮詢才實敷錫寵光躋五岳之名階總兩使之重任並爲異數交慰師言恭惟某官石磬落絕倫疎明適變迎刃而解謂世無難成之功名無心於求蓋已有必至之富貴班超何妨投筆克國復見罷屯旋被殊恩亟聯華貫乃眷朔方之重地是爲天下之奧區須有實倉廩於暇時乃可制戎狄之死命方今鈔幣之法悉復故常衣食之源寢趣豐裕肇分使寄屬在周才固已昭百勝之威何止盛九年之蓄輿論所嚮成功可期某少慕激昂晚甘窮困不知抱關之甚陋猶復攘臂而自矜已及瓜而當歸尚守株而弗去雖諸庇覆之願足慰滯留之私載止光塵倍深欣懼

賀張制置啓

邵公濟

遠分重地肇建行臺名震華夷慶開宗社恭惟某官道德異

稟文武兼資方為庠序之通已負廟堂之望高文大冊極爾雅於諸儒正論讜言嗣遺直於先世密參大政坐致中興獨膺推轂之求適契請纓之志願成功之甚偉尚秘計之不聞能罷之士未鼓以行蜚螭之寇已俯而拾通秦蜀而不隔極荆楚以無虞副聖主之傾心為名臣之稱首就護諸將易制全師增地形表裏之雄擬陣法首尾之勢豈徒居焉以保遠服蓋將自此而出中原強虜心驚武士氣倍其已陵老境方宅大憂痛今古隔於九原念契義高乎三世當記橋公之約尚怜愁氏之孤頓失沉痾觀天日而增快自慙薄技望節鉞以知歸

察訪

賀方察訪啓

黃獻之

伏審日侍清光密資獻納親承詔旨來總咨詢將獲輟於前旌俄擢司於中省惟六尚最親之職實三朝未命之官明敷典領之才益賁光華之選恭惟某官用兼數器譽振一時博辯之資言皆析理精神所照物無遁情仰當睿聖非常之知亟彼便藩不次之寵乃眷陝服當五路之浩繁暫假周才分八使而督治威名遠暨倭觀澄察之膚公恩渥存加盡繼休明之聖世某久塵委使未著涓埃將瞻望於餘塵冀仰承於大庇炎蒸在候榮衛方勤祈倍保於生經用益隆於天眷永言欣頌莫罄敷陳

賀鄭察訪啓

張真父

伏審密奉疇咨顯膺臨遣極當世光華之重副本朝宵旰之勤聳然高風動於羣聽恭惟某官才優而識敏言辯而智深出值亨嘉名既高而實自稱進當繁劇刃不頓而力有餘乃眷三秦仍分六道內連甸服外控遺羗官吏兼文武之宜疆場有兵食之備故此澄清之任尤資通變之才昔者屬城已戴二天之譽乎今羣目具瞻八使之崇即茂休功遂還世職某自憐弱植徒愧空殫念夙借於餘光獲將承於大庇炎蒸未已徒御方榮惟倍保於寢興用益隆於眷倚但勤欣頌曷旣悃悃

賀姚觀察啓

邵公濟

遠持將鉞出護塞垣喜動軍中聲聞境外伏惟慶慰伏以某官家傳忠義世有勲勞威名素震於關西風采已傾於朝右衛青拜命衆皆聽於大將軍李愬立功人但呼爲小太尉方時謀帥爲國扞城喜寇恂之復來里閭動色聞臨淮之初至旗鼓生風肅承開府之新亟辱移書之寵某間焉何闊老矣無奇恩重命輕欲退藏而未敢眷深分厚宜教督以居多踊躍之私梗槩干是

總領

賀曾總領

光奉新恩榮還舊物掌萬民之版籍首被疇咨幹六路之貨財茂膺臨遣攬轡載馳於故治列城夙稔於先聲郵報一傳輿情共慶共惟某官朝推令德世有美名學守韋平端是相門之相句凌鮑謝謂真詩人之詩天資自得於高明人品有餘於醞藉含香覆錦妙齡早試於爲郎叱馭登車要路幾經於出使所治皆最無施不宜橫翔未及於中年僉論已嗟於太晚眷茲元帥控彼上流聚金穀者不過六十州屯貔貅者無慮百萬計自非轉輸之有術孰能供億之不窮遂選老成揔持領要揆之時望捨公其誰欽惟導騎之鼎來增重軺軒之偉觀木牛流馬想飛挽之靡勞鷲獸鳴爲率奮揚而自厲某少知學問長困羈窮素無取堂下之言豈足參幕中之畫行將託於大厦真有獲於初心冀蒙一盼之榮以塞平生之願歲律晼晚江國沍寒跋履之間保頤是禱

賀王總領啓

林 豈塵

祇奉宸音總司國計卽位叶東宮之應使星符西益之占驛書競傳士論稱美恭惟某官氣岸高雅字量粹融平生以富貴自期吏事以經術爲飾漢閩通籍名已重於縉紳諸公之間楚嶠觀風人自得於湖山千里之外方上計臺之最俄分版使之權率六路之武而歸乎有司會九年之儲而按其大數厥今所尤重者於公蓋優爲之聚金穀幾一百州咄嗟可以必辦屯貔貅數十萬衆餽

餉爲之有餘倚觀報政之成即後回朝之疾某近有除日喜得吾賢川途相遼不能隨賀安足之後紙筆爲問姑少叙故人之情

賀汪總領啓

李方叔

顯膺綸制峻陟總臺遂惟攬轡以澄清孰不望風而震疊屬蜀居封部倍激權侗伏惟歡慶恭以 總領少卿中正以通柔嘉維則學術諸儒之冠吏能百執之師久簡在於宸衷屢屈將於使指聲猷籍甚課績藹然宜當不次之求爰即非常之拜統綬六路刺舉百城鄉月已高光輝臨於楚甸辰樞將拱步武接於堯庭某倅貳濫居疲駑何補祇念簡書之畏敢辭關決之勞願旃仲舉之風題輿以俟竊小巨卿之操投傳而歸

總管

賀曾總管啓

周子充

伏以貳元帥之事實綰要權殿天子之邦迺惟巨莖方欲通於柔翰乃先枉於華緘恭惟 總管知閣太尉寬裕有容疏明無滯緣

五十八十五

方十九

四

飾素高於儒雅波瀾坐進於老成龍已飛天獨眷潛藩之舊鵬方擊海共期要路之登東帶立朝則典二閣之容儀擁麾爲將則亞十連之節制佇膺驛召還侍禁游某涉道最迂趨時甚拙諫垣有玷嘗慕於責難冊府無裨遂甘於置散豈圖記錄復冒召除存更南紀之封仍寓西清之直雖由塊北亦自吹嘘念報惠之於瓊瑤而負愧深於芒刺矧加辭訥曷盡意誠

賀曹總管啓

熊子復

伏以典宸闈之近職久切嚮風貳帥闈之中權方諧借潤審旌麾之壓境寓緘牘以控誠伏惟 總管知閣仙韻邃清神標凝重識達古今之變才兼文武之全會早際於風雲恩久承於雨露贊綽儀於一閣任峻橫班侍清燕於九重龍均法從蔽自穆清之眷蔚爲希闊之榮總戎乘以啓行御便朝而臨遣闕封偃息聊增重於十連漢札疇庸佇陞華於六毒蘇某猥叨使傳獲並將旄屬茂對於融和願精加於頤齋

賀廖總管啓

王宣子

峻陞橫列榮佐總戎見寵數之有加舉輿情而共慶伏惟某官良謀經遠精識照微踊躍一行綽著提師之効周旋四守茂凝拊俗之功果被眷知併承華渚更聽明言之召顯躋侍衛之崇成命可期指日以俟某父同寓止猥荷照憐贊喜修誠悵裁戕之未果搗謙制禮辱貽翰之輒先

賀傅總管啓

李仲信

光貳元戎復臨故部聖人之武不殺方戢於干戈天子之錫有功遂顯於弓矢先聲所屆公議已孚伏惟某官妙略熟思沉英材驍逸智達鬼神之變克壯其猷威加草木之微不顯亦世惟踐揚之甚久故眷遇之不衰乃出副於元侯以同護於諸將某聞風自昔問俗于茲念馳書之未遑忽寵緘之先逮虎頭頤後尚阻覲於英姿豹尾導前佇更聆於異數

奉使

賀王戶侍出使啓

熊子復

伏審輟陪樞幕還貳板曹齏龜禁代言兼奉內朝之顧問龍庭將命更宣大國之威靈流傳邇遐從尊動觀聽昔我神文享國之甚久若田宣簡理財之最長以至歐陽子之任辭臣文忠公之使敵國是皆曠絕孰與等倫有來當代之英兼擅羣公之美恭惟判部直院侍郎受才傑異造理精微習次谷萬頃之陂毫端扛百斛之鼎既蜀道之久任去盡歸乎來雖漢廷之多才無出其右預禁塗之諷議參督府之謀謨雖晉公欲屈於昌黎而文帝思訪於宣室趣歸計省無財穀之問至朝堂進直詞林有書札之文賜方國屬蜀羌胡之來欵頰徒御以出疆雖古膚使劣諸豈特能於專對告嗣天子王矣俾復獻於歡盟佇觀英蕩之歸亟藉嚴廊之重某猥行原隰逖望門墻莫陪賓客之趨曷勝寤寐之喜

賀奉使啓

郭中行

被命嚴宸宣威外域實爲重事宜屬偉人恭惟某官器量宏深

辭華敏妙謀猷入告每有犯而不欺文武兼資頗無施而不可適
重使秦之選堪爲喻蜀之行蓋夙簡於上心宜肅將於王命實本
朝之故事極當世之榮觀其猥以凡庸誤膺器使仰聞盛譽竦聽
除音妙術占星欲訪幽入之學深誠向日喜聞信使之臨

茶馬

賀王茶馬啓

劉季高

伏審榮升計府申蒞茗司千里傳聞一詞懌豫百吏共推於大手
兩川將至於息肩必著宏規永驅宿弊共惟某官識據異稟行
輦前脩出乎忠孝之故家辨若功名之餘事一言一樂無羣士象
刻之風百舉百能守先朝篤老之論惟獨蘊於天而絕異故所臨
之地而有聲大盜驚心坐安北服小民引領卧治南充辟止辟而
刑祥心格心而吏畏果躋峻職益簡上心若旗將擷於羣秀之中
有遺味矣驥窟行空於萬里之外無留良焉行爲異最之升重見
脩門之入某受才實散荷願特深久慙東閣之遊退遂北堂之養
既一生不得文字之力故百里不免簿書之勞身留空山日對小
吏睇窮塗而其感望舊館以祈恩魂夢交馳典刑未遂驟聞好語
豈敢賦十離之詩已振弊冠固將上三沐之見其爲欣悅莫究
賀綜

賀周茶馬啓

周少蘊

六轡交馳遠播皇華之譽連城贊肅共傾按察之威里俗駭觀士
林欣慕竊以陝蜀萬里茶馬兩司飲人資積多之功行地用駒駒
之力霜華期火已知利孔之開駿骨生郊偏覺國威之重千綱載
路四種殊毛土宜分推課之征地類有阜蕃之政立爲彝憲委以
行臺必資經濟之才共講富強之計恭惟某官岳神儲秀星昂
降精學窮古今之傳識動天人之奧少游辟水富有文章晚入仕
塗諳該政術肅將臣節簡在上心初分宰字之封旋入編脩之局
幕賓開府都人誇淑問之陶竹馬迎郊邊郡重借留之冠宸衷軫
念朝望遄歸解還銅虎之符召對金鑾之殿未溫魯席已擁漢軺

究詳土物之征監視邊防之用求之有藝厭趙贊之始謀思則無
疆過魯僖之善牧山澤之利盡歸於公府田戎之備不匿於私家
稅從什一之輕虜有空交夏之困錢流地上疏開貨利之源籌運幄
中默破羗戎之膽非獨盡利國強兵之術又能申折衝却敵之謀
邊帥奏功墜書進秩玉堂金馬肇分秘奧之司東觀蘭臺漸闢
校讎之地掌開元之四部直東壁之二星將參侍從之聯暫歷圖
書之府前有柄用此爲要津當三冬兩雪之塗攬一道澄清之轡
輜車夙駕故社驩迎衣錦還鄉笑拍江山之舊過家上冢光生阡
陌之塵凡屬庇庥率增抃蹈某曩緣世契獲覩下風久懷賀厦
之心喜有拜塵之便

賀陳茶馬啓

沈元用

伏審輟自省曹分將使拍利盡摘山之計弼成富國之功總天旆
之雲屯助王師之電擊三朝選使常冠於他司萬里提封悉歸於
餘照側聞喜命彌仰休聲恭以 某官沉靜而有爲高明而多恕
學洞九流之奧不取近功文雕萬寶之華尚爲餘事惟好修而難
合故屢抑而愈剛相如歸客於臨印何妨奏賦劉向出護於都水
未害著書初不聞名利之談况復有喜愠之色蘭臺與直虎節觀
風姑爲大任之權輿終見古人之事業某蚤詣棲倚亟荷眷憐錄
其荒唐之辭謂之可教矜此固陋之質許以無他今玷師儒適居
刺部想光華之在望悵趨走之未遑抃幸旣深瞻依載極

泉使

賀王提泉啓

周子充

伏審入條婉畫上契清衷帝寵方新光寓圖書之直使名加大全
提寶貨之封有識相趨不謀同慶恭惟 都大提點顯謨英安挺
出逸韻雄成摛華有寒芒正色之垂游刃見錯節盤根之解蚤登
陪於九列旋出領於三官園府歲輸金布充於都內釐室夜對智
略湊於上前果陞六閣之聯獨總九路之化負蓋元豐始隸於兩使
而景祐實總於一臺職遂而高旣示褒賢之渥任專以重更彰復

古之模卓爲從橐之階即有追鋒之趣其猥當共理逖借餘休惟
頌歎之方勤顧揆裁之曷旣

賀劉提泉啓

鄭明舉

比奉詔條來司園法揆時載協布政聞初條教所孚吏民交賀伏
惟其官器能甚博學行兼優材久試於吏途望素優於朝論三
江奧壤簡聖意以方深九府利源藉能名而有賴少需成績行擢
要津某早望焯符幸依庇類阜財解愠將有望於絃歌入境宣風
行遂披於雲霧茲爲慰愜實倍等倫

賀沈提泉啓

侯彥周

綸命初頒罄朝端而歸重宏才素辨覺邦計之如流幸叨部吏之
聯敢拜記曹之牘恭惟其官清規映俗厚德傳家學通萬卷之
餘命偶千齡之會星郎入侍蓬舍香簪筆之華郡紱存紆留截轡
攀轅之愛繡衣仍舊畫錦增榮出持陶冶之權益遂澄清之志盡
東南之奧壤歸宰制之洪鈞名山大川不祕所藏之寶羣司庶府
手、七十一、五、方一、九

頓銷嗜利之姦知源流本末之因有輔贊彌縫之理某濫蒙教育
未脫羈窮坐常困於針氈居每傷於塵甑引吭數口侍次十年往
方趨於瓜期哦復親於松陰偷安海邑獲仰星軺顏子之事仲尼
雖貧亦樂鮑叔之知管仲有過何虞唯恃恩私乃成煩瀆過此以
往未知所裁

賀王提泉啓

崔德符

伏審光奉宸恩榮持使節剛辰已協輿頌交歸恭惟其官東筭前
南金泰山北斗繡衣畫斧常將命於四方隼旆牙籌遂流錢於九路
號令一新於萬里威權更重於三司竝聞財用之豐其餘益厚冕旒
之顧盼別膺茂渥入佐中興某夙荷悒悒今居總屬再覲光華之
遣喜色增新但深欣躍之懷願言罔旣

賀晁提泉啓

王宣子

伏審特奉綸恩就兼泉政入承九列比承帝遣之榮出使四方增
昇皇華之重摺紳動色原隰增光竊以周室制嚴掌真存於九府

漢家禁文鑄獨在於二官逮我聖朝參諸治古景祐始顯於一使
元豐分設於兩司然創事必貴因時而得人乃可行法眷此山川
之寶寶實惟財賦之淵官職豈限於常員使務式煩於并總恭惟
奉使提點寺丞英豪間氣醞藉名流早歷要塗光膺妙簡佐大農
之職綽著於顯庸領數路之權益隆於雅望某猥栖郡幕逖望使
臺阻修敬於門墻輒控誠於竿牘列朝班而將使指式觀富國之
經持從橐而贊皇猷嗣獻得賢之頌

船使

賀提船啓

林 豈塵

榮膺紫渥寵耀皇華屬中都疏用度之源俾外府幹貿遷之利慶
傳賓驛喜自郵音恭惟 某官山川炳靈日月垂譽曷緼淵乎似道
之質得浩然養氣之方檄筆幕謀舊泛儉蓮之綠水寢香門戟坐
臨韓木之清風載優治行之優遂被光華之遣矧嶺表去中州而
遠惟司船有南庫之名金貝綺縠咸萃於中珠玉象犀不勝其數
馬節使嘗兼其使迺新作饗軍之堂孔祭酒欲示其情遂首能闢
貨之燕在今日尤重此選屈我公特爲是行牛酒以厭者將滿於
途梯航而至者欲藏於市衆心所頌拭目惟新某頓來海瀕獲謁
麾下辱待以過客之禮幸望夫君子之儀茲何際會之多又備奔
走之役姓名若問誰爲顛顛之言紙墨有情敢致起居之意

賀提船啓

孫 正之

伏審疏渥紫宸照華翠節接月卿之鳴珮風展高蹤按海國之飛
檣肇分直指旌輅鼎至原隰頓光仰止先朝之洪摹取諸外域之
瑰產年紀載登於元祐使華增建於溫陵遠致番商萬里泛鯨波
之舶入輸京藏百物萃雞林之珍孰縮要權必疇雅望恭惟 提
舉寺丞家傳奧學世載名賦質厚於渾金制行清於潔玉入陪
九列垂踐要塗出布六條暫乘偏障果錫十行之札就移六轡之
馳嗣降追鋒徑登從橐某猥分日甸逖望星臺亦夷八九之通姑
童收於歲息聖賢千一之遇佇越進於辰猷

漕使

賀張都運啓

楊萬里

伏審妙簡清衷肅將隆指寵陞論撰亞僊禁之高華任督將輸統
神臯之浩穰有識交頌不謀同辭永惟聖哲之經營先自國家之
根本疆連吳越昔嘗啓於霸圖運際唐虞今遂成於帝甸天驕將
歛於渭上人傑宜漕於關中伏惟 運使殿撰少卿奧學研幾周
才濟劇巨室一國所慕亟躋獻納之聯皇華六轡載馳屢昇按澄
之職然負全才者要須綿歷而將大任者豈厭回翔尚屈壯圖式
觀殊最長安三輔暫煩湯節之臨文昌六聯即被贊書之寵是惟
公望夫豈私期某猥殿于蕃實是當所部審初交於軺傳庸遠寓於
緘滕聲雖成文言莫盡意

賀傅都運啓

伏審存膺綸制改付使權惟七寺之近班已推茂實故三秦之劇
部復賴周才成命既傳輿情齊慶恭以 某官材猷英博識量宏
通蚤預賓筵謀深帷幄俄趨召節名動搢紳蓋雅磊落之資宜在
光華之選寔陪郎省屢典藩符愛有甚於棠陰榮每憐於棣葉周
盧千列方觀不識之才積粟九年更茂夷吾之略某行能甚下門
戶已衰不自知其疲驚猶未忘於奮發獲塵周序猶聞樂職之詩
幸與邦人共仰登車之志使旌在望驩頌載深

賀謝運使啓

沈德和

伏審入覲天光親敷使指載嘉偉績申錫殊恩內躋禁閣之崇外
正漕權之重寵紆金佩榮集使華伏惟驩慶 某官智術深明才
猷博達學洞古今之要文摛道德之英揮塵名宦聳高風於微子
臨池妙墨抗逸駕於元常蓋自峻陟要津備膺宸眷頤茲朝部控
被燕垂謂制勝當戒於不虞而威敵莫先於自治昔文帝收實塞
之議後世因資以破胡惟壽昌沮余穀之謀諸恙卒聞於畔漢文
德繼武聖謨通天申命寶臣築倉會府風飛雷動而有作天造地
設而告成因民欲之所同故子來而弗擾亟底成績深契上心敷

錫寵榮聳動觀聽何止富九年之蓄固已收百勝之威別奉疇咨
入膺大用其稟資極陋託庇至榮以甚踈無用之才當難辦不習
之職固思黽勉終懼謹訶仰大匠之兼收庶散才之不棄私積蔭
雲之幸恭陳賀履之誠載跋忭懽詎殫悃悞

賀芮都運啓

孫正之

伏審顯膺北渚寵耀皇華旂幢將下於南荒看驛爭陳於前次威
聲遠被風采聳聞竊以厥今五嶺之陬在昔百粵之地自有唐以
來氣俗已變逮本朝之興聲教旁加於監司郡守欲重其權非名
公鉅卿莫副茲選矧計臺尤急於用度在中郎實藉其轉輸聚歲
貢五十萬緡此其大數餉官軍幾千百計為之有餘且南宮悉自
於銓衡故當宸每難於委注惟帝時舉則公其人恭惟 都運御
史先生學自心傳道存自擊淵源得之游夏卓犖傾乎鄒枚此一
日事業之施為皆前日詩書之張本謂堂上之讀而見笑詎肯言
糟粕之餘雖臺中之評以為傾竟無負雁鷗之擊方明天子匪
輕其外任茲部刺史喜得於吾賢第恐輶軒未下欲下方下之間
遂有走節一命再命三命之召某稚非一日獨有二天硯席同遊
猶記杏壇之風月弩矢為役當驅海嶺之埃塵苟富貴未必相忘
則貧賤有所不弃寸心所慕尺牘難言

賀沈都運啓

伏審榮持英蕩遠耀皇華賜命九重方黼宸暫辭於日月班風八
郡迺繡衣舊領之山川先聲一傳佳頌四起恭惟 某官剛大養
而以直敬義立而不孤富貴固所自期文章迺其餘事諸公無出
其右已先臺省之登天子尤器其材將為廊廟之用金馬政煩於
逆宿承明何事於擇歡盖上方不以內外而分重輕故公亦無以
出入而有難易寵被周家之禮樂荐揚漢使之威儀攬轡遂行
慨然有澄清天下之志給餉不絕庶幾乎成轉漕關中之功第恐
輶軒未下之間而有走節再命之召某言非私佞賀與衆同有司
而主權衡頃已在門生之列先驅而負弩矢當益脩縣令之恭

陳都運啓

孫冲益

一札流聞大慰靈霓之望十城驚聳聳瞻斧繡之光恭惟某
官夙擅異北千里之稱時推斗南一人之傑培風背於九霄之路
折秋毫於百戰之場攬轡車中鷹隼殆將擊矣埋輪道上狐狸
何足算焉某老病守藩踈慵負國謾索太倉之粟無補懸官空餘
涸轍之魚以俟君子俯深欣頌莫究名言

賀王都運啓

孫德莊

伏審密預選掄進當臨遣服寵名於祕殿摠漕計於朔方霽然休
聲震於羣聽恭惟某官踈明而有守宏裕而好謀才周文武之
全識照幾微之本經術深博極游夏之淵源文章英奇軼班揚之
氣象自致功名之會獨膺日聖之知陸賈南馳百粵請命唐蒙西
使夜郎入朝勳績亟掩於前人風采從聳聞於當世載錫便蕃之寵
用昭俊偉之功帝眷北方朝諮名德輟中臺之要劇付一道之事
權資通微應變之才致經國裕民之効詎止富九年之蓄固已收
百勝之威自茲暮月之間必踐公台之任故事未遑斯言不護某
猥以踈愚厚承矜獎明廷賜第嘗並英游病木辭春獨爲棄物蒙
曲記其曩昔頗不忍其困窮幸以姓名列在臨按使獲在驅馳之
地未必無尺寸之功惟深恃於哀矜輒自忘其進越光華在望傾
頌載勤

胡都運啓

洪元之

伏審益隆宸簡升正漕權使指增雄仍總神臯之部官儀愈峻例
階僊禁之除帝得真賢士有公論竊以用才者莫良於已試有功
者必喜於見知按長安三輔之繁旣彰殊最頒建武十行之渥姑
進顯名恭惟都運敷文奧學研幾周才濟劇蚤聯內閣盍躋法
從之華徧歷近畿綽著吏師之績累就陞於使號佇擢貳於尹條
某猥處冷曹獲登宗仰一言褒重已欣孤跡之逢九里澤多更爲
士流之慶

聖宋名賢五百家播芳大全文粹卷第十九

聖宋名賢五百家播芳大全文粹卷第二十

賀啓

漕使

賀章都運啓

鄭元嘉

伏審錫命宸庭陞華使指借經綸之妙手重飛輓之名司溫旨初
址列城相慶竊以兵費以判食貨其難方一隅彫弊之餘尚百年
誅求之急損下益上豈聖賢愛物之心革故鼎新此君相用人之
意况銓曹之冗劇受多士之奔趨按資格以擬吏負猶是有司之
故事退小人而進君子實行宰相之重權眷言箝組之林均負雲
霄之望終焉巨德簡在上心其曠度海涵清標山立處功名而素
定視富貴而若無歷觀向者之施為皆在坎然之士直朝廷考課
非徒降璽書而褒次公郡縣望風將欲解印綬而避元禮其蒙恩
最厚投袂而興條教清明又將耳聞而目見家鄉咫尺可云朝往
而暮歸

賀胡都運啓

張守全

光被恩綸出司漕計仁賢所至民吏相驩伏惟 某官器識宏深
風猷高遠益隆時望夙東聖知持節外臺屢更煩使握蘭華省
寢躡要資惟東州之奧區為諸道之劇部非通材不足濟國用非
遠略不足究利源時惟僉言允屬賢業九年足用坐追滋殖之風
四輔維人行被吁謨之眷某幸緣聯事遂獲依仁尚阻參承但勤
嚮仰

賀劉都運啓

孫仲益

伏審光奉帝綸肅將使指諫大夫伏蒲殿上方疏三接之榮部刺
刺史理輪道中又見十連之聳恭惟 某官才高難用道大不容
撞千石之鍾而噎於寸蓬駕萬斛之舟而膠於尺水姑矢謨於問
陳旋賦命於乘輶龍馬負圖聯內閣邃嚴之直木牛輓粟皆太倉
紅腐之餘方賜覲於山宸行亟躋於邇列益隆雅望允副師言某
偶叨奉於藩條竝仰瞻於金節尺書起廢固已賢十部之臨衰晚

卧病八獨有二天之庇

賀董都運啓

史唐英

顯膺異數峻陟近班進總漕權再臨舊部伏惟歡慶竊以接袂飄
纓徇翔華閣乘輅仗節按刺屬城頌微名實之在人曷副冕旒之
注意恭惟 某官材周事變識洞幾先出入宣勤崇蘊著聞於天
下清間賜對謀猷適契於上心豈惟邦域之英實爲海內之俊千
箱轉粟佇告於成功一節趨朝即還於近著其貌是孤平之跡政
依陶谷之仁踴躍忻愉倍萬倫等

賀任都運啓

陳君舉

伏審勇退朝聯榮歸鄉部奉常出使外臺增禮樂之華寓直尊賢
內閣預圖書之祕雖小替於從橐亦深艷於儒紳恭惟 都運少
卿寶文道廣大而精微文雄深而雅健入峻躋於三院出屢按於
十連趣以鋒車覲于滿殿大平之定制作既預彌文老成之重典
刑宜躋邇列烜赫處功名之地雍容見明哲之風上重違於懇誠
外委瀕於漕計閩封推舊暫煩玉節之行漢札方來即聽金鑿之
召某猥叨撫字獲奉按澄迎大使之車念方祈於巨比執贄小夫之
牘敢預控於危衷

賀胡都運啓

胡仁仲

光奉綸言榮躋計府傳聞千里歡豫一辭切以任官之難莫如將
漕之重必資巨德庶革弊原劔嶺千畦極遠近賦輸之困龜城一
道當東南旱暵之衝非仁人起而救之其大勢可以憂矣忽聞休
命想遂遠圖恭惟 某官學董前修識通異貫名盛而實甚副論
高而用不踈詞令最閑言語妙乎天下起注得躋風采聳於羣臣
驟輟邇瞻肅臨遠服重湖政舉特披夢澤之雲九頂化成再問我
眉之月惟留滯寒鄉之久且從容溫詔之頒爰陟使華行驅民瘼
其聞道有自受知獨深既見君子奇字可識獲親德秀世利都忘
偶緣寒餓之驅遂致典刑之遠窮途易感撫弊橐以川流勝踐何
時候歸艤於日下

賀陳都運啓

王周士

伏審光膺宸命祭領使臺凡在悻悻舉皆抃蹈恭惟 都運寺丞才優王佐望重時髦蚤登俊造之利夙簡聖神之眷進臨鷺序典百官稟稍之司出擁繡衣摠一路轉輸之任豈但飛芻而輓粟蓋將激濁以揚清九重注意以尤深八郡望風而皆悚流錢地上方資富國以強兵持橐朝中行賴庇民而尊主其奔馳下吏疏落孤蹤居官蔑補於一毫守法第循於三尺幸負丞於百里將託比於二天觀除目之誕頒激愚衷而倍喜簡書是畏崇階莫快於鳧趨竿牘用修大厦輒伸於燕賀其爲欣慶罔罄敷陳

賀劉都運啓

王德立

伏審入覲天光親敷使指荐敷寵數益正漕權成命流聞輿情慰悅恭惟 某官才周事會識在幾先自任以當世之功名獨高乎古人之氣節是以忘者雖衆而効愈白毀之不沮而志益剛名既簡於上心言盡當於帝意替於衆論宜光贊於本朝眷此一方俾緒成於前績少留歲月還侍冕旒其猥以庸虛蚤塵知獎身居部屬已厚厚於庇旆職在學宮仍親承於規畫豈有蠶蠅之能化自知商詎之弗勝終恃吹嘘庶收尺寸光華在望瞻頌彌深

賀趙都運啓

宋嗣宗

伏審祗奉寶書榮將繡指中都啓監久參戎器之除外部建臺特被使華之遣摺紳動色原隰生光竊以乾德肇基總漕權而置使熙寧繼統選屬蜀籍以臨民故侯邦無負賦之專而宗室有才猷之顯方九重總攬循累聖之規摹宜十道按浹得近親之標的恭惟運使少監受才傑異造理精微極翰墨之工粹焉得作者之體孛膏梁之習蕭然有寒士之風蚤踐要途寢膺妙簡天生五材而兵莫去旣穎器械之修農用八政而食爲先復領轉輸之任龍檢佇聽於嚴召駕行更觀於榮登某初忝微名尚需久以實隸澄清之末方承潤澤之新意嚮彌勤詞訥難盡

賀曾都運啓

葛謙白

顯奉溫綸出將明命臨軒錫節極廣使之光榮入境宣猷聳斯民
之觀聽外臺增重薄海謂宜恭惟 其官天為時生材非輩及閑
一時賢愚忠佞之士湛水鑑於曾中陳千古興衰治亂之原驅風
霆於筆下夙奉經綸之略久蒙神聖之知既蚤冠於時髦宜發揚
於賢業輟郎省光華之直膺使輅臨遣之榮乃睠西江素為奧壤
粟盈塗廩資轉餉以毋飢糜蒲鉅筭非神明而孰斷暫借調羹之
手丕陶珥筆之風吏皆霜寒民心春豫淑氣已騰於闔境洽聲行
達於中宸孟博登車咸識澄清之志仲山補衮當收輔弼之功詔
紫行頒汗青可待其技能謫薄命數奇窮駕短轅於羊腸泣岐
何補垂獨壘於冰井羨魚奚求棲遲簿領之間荏苒歲時之久
昔年游宦嘗瞻圭璧之粹姿末路漂流獲託雲天之厚庇茲為幸
會實是有多良緣茲喜交九於一心庶仰承於六察牛羊出而會計當敢
忘守職之勤川澤納而山岳數藏或免空官之責

賀邵都運啓

葉少蘊

伏審光膺宸制榮總漕權李邵占星萬里快披雲之觀范滂攬轡
百城爭擁簪之迎凡屬幘幘舉深鼓舞恭惟 都運中大天球
毓質國棟呈材腹笥道家之蓬瀛量陂楚澤之雲垂鳳姿英偉宜
摘李揆之文章犀腦瑰奇足驗馬周之富貴妙齡懿言恬逸韻掀騰
亨路自期錐處囊裏而立見盤根歷試刃發硎而益新公忠上結於
主知眷遇特隆於朝列踐更華要藹立有聲猷持節外臺擅激濁
揚清之譽剖符巨鎮有永流宣化之能屢捧褒書趣還入覲金
鑾賜對瞻咫尺之天顏玉陛拜恩奉丁寧之聖詔暫辭魏闕出按全
閩除日初頒遠民胥抃運關中之粟漢方委於蕭何流地上之錢
唐止資於劉晏佇觀奏課即見追鋒其鈇槩寒儒塵埃冗吏負
丞無狀曾微一日之長佐邑奚功幸託二天之庇側聆新命深激
懦衷負弩矜矢以前驅簡書藪繫瞻旌麾而尚遠燕雀心傾欣躍
之懷敷陳罔既

賀姚都運啓

熊叔雅

伏審宸檢載揚暫輟一麾之守使軺榮領總持十國之連仰旌旆
以戒途整郊忻而被澤恭惟都運中太學優聖域識造經邦風
采冠乎朝中文章妙乎天下存更藩服之任深結冕旒之知亟奉
爾書特司邦計朱轡皂蓋恩波方浹於壺山金節繡衣歡頌已騰
於桂嶺指頤而足以肅清官吏笑談而足以鎮撫士民既摧貨殖
之低昂行見倉箱之儲積登車攬轡方威振於外臺當軸秉鈞佇
詔歸於中禁其空伺陋質翫辭餘生業徒紹於箕裘恩濫承於簪
紱恪奉官聯之守謬居縣佐之司即獲趨承幸依光於韓斗每虞
曠敗庸託此於蘇天

賀吳都運啓

孫逢辰

光膺明命榮領計權攬轡及車從百寮之觀聽飛芻輓粟總六
路之將輸風望愈高邇遐交頌伏惟某官才猷超遠智識淵深
夙懷經濟之心適際亨嘉之會踐揚中外更累事功惟東南財賦
之資寶邦國經常之計蔚為時傑擢自宸衷知眷注之益隆暢光
華而甚遠翰旋萬貨於指掌之上敷陳千里如對面之間刺舉之
權幾半天下轉輸之利益富京師想聞坐席之未溫已見鋒車之
趣召某獲依隣苾忻聽除書一水相望莫遂門闌之慶寸誠可達
輒伸竿牘之私

賀吳都運啓

陳師禹

細札十行光被發中之詔軺車一乘暫淹補外之行非特門下諸
生之光實為江濱千里之福恭惟某官李臻壺奧才邁等倫
更事彌多歷朝復久盤根別利器之用庶民知勁草之堅帝左右
之十年屢膺任使江東西之二路復藉按廉十旄自浚都而來四
牡由周道而至暫虛八座重庇一方父老歡呼爭覩皇華之使者
君王記念將用權輿之舊臣某閭巷寒生門墻故吏平原狂士曾
叨薦鷄之書武成小邦謬展割雞之刃限拘縣道阻造賓闕

賀陳都運啓

王弱翁

伏審疏籠禁闈宣風遠服聽除書之一札藹和氣於列城凡屬按

臨舉深抃蹈恭惟 都運朝議氣涵剛大德茂老成學以孔孟爲
師道傳堯舜之統一門忠孝彌赫家聲萬卷詩書久隆士譽擢
殊科而自奮據要路以橫飛頃貳藩條卓爾循良之助逮紆郡綬
凜然風烈之高眷全閩郡縣於東南繫今日國家之根本荐煩澄
按益茂聲猷操開闔斂散之權制之在我明因革弛張之術利必
排商自非練達之才曷稱將明之任擇使如此非賢謂何富國裕
民聊藉轉輸之計鳴珂珮玉行歸禁近之聯某錦里下僚龜城落
譜頃有十年之慕已輕萬戶之封豈期公麼之蹤將託悃懷之庇
倭遲川陸愧無飛鳥之鳥夢想門闌徒深賀厦之驚舜絃協奏
義馭正長願寢鍊之精調宜吉祥之多吉與言祝頌實倍等倫

賀祝都運啓

張安國

擁傳坤維榮拜絲綸之寵移轅楚甸遙瞻禮樂之華辱貽問之相
先愧修辭之不敏恭惟 某官性天洞達德宇闔深賢推當代之
英學探古人之粹糾合宗族蓋嘗作召穆公之詩竊伏海瀕孰不
慕暴勝之之義富邦中之積穀餘地上之流錢益結上心之眷知
亟以使指而還報六轡如組載占蜀道之星一節以趨遂近長安
之日第暫勞於賦政佇湔促於告猷某契闊許時親依即日靈河
千里切遲望於前驅江海一麾實希承於餘潤

賀胡都運啓

黃季岑

伏審光奉恩綸載持使節眷倚復還於舊物聲猷增煥於公朝遂
令浩穰之區重出按臨之下命傳畿甸榮動摺紳恭惟 都運敷
文厚德鎮浮宏材經遠承流宣化魁治行於龔龔黃足國裕民踵勲
勞於管晏方自淝河之劇部就更淮水之雄藩旋聞報政之優亟
被賜環之渥蓋將主四方之大計何止分一路之要權再過吳邦
依舊皇華之光耀重趨魏闕一新使者之威儀趣還文石之清班
即荷甘泉之從橐佇拜超遷之寵茲爲進用之階某久託悃懷復叨
庇賴念此及瓜之迹寧無啜蔗之心燕雀卑飛竊欣同於賀厦竊爲
鳳遠舉行快覩於冲霄慶抃徒深敷陳固旣

賀梁都運啓

周少蘊

十行賜書拜北闕使蕃之寵一封輶傳摠南州飛輓之權有識交欣不謀而利恭惟 某官受才膚敏直識疎明割十九牛而發刃若新九萬里而搏風在下彤襜問俗周蠻徼之山川繡節觀風備皇華之禮樂佇奏輸將之最進聯清切之班某仰佩勞謙曲垂雅好莫陪賀客第私欠牘之藏更聽還朝日俟高旌之過

賀張都運啓

王履道

伏審顯被上恩總司大計按節甫臨於近部飄風佇抵於行臺方托庇麻籬增驩仰恭惟 某官飛聲帝闥擢秀士林惟一純誠有三峻德更踐外中之寄通詳細大之爲明朝日講於事功諸道歲登於財賦博謀強敏思致羨盈轉金穀於東南佇疑美績陟疑丞於左右茲是便借某叨佐下藩邈拘瀕海未由慶牘第積瞻依

賀呂都運啓

景廷玉

茲審肅確帝制榮總漕權藉飛芻輓粟之大次真富國強邊之筭伏北九十五惟 某官謀猷方古才術經時變通自得於幾微幹幹靡勞於指顧政聞殊効進被寵章某愧尺牘之未修積愆顏之方甚何期厚德首貺華牋其在銘藏豈勝云喻

賀汪都運啓

程子山

伏審顯膺命綉峻領計臺使星與台耀交光繡節共綵衣爭煥摺紳歡慕父老登觀恭惟 某官博雅而練詳靖深而通敏公圭宰路果知世美之才文館仙瀛允屬庭趨之學特茲簡眷付以轉輸况嶺左之列誠號海南之劇郡千艘湊集轉粟於關中萬貫貫通流錢於地上竚觀吳最別聽殊褒某切嘆衰遲獲依威望富民乃能富國當拱俟於規摹足食然後足兵願欽承於訓誨

賀余都運啓

黃季岑

最課藩條陞華使節餘波未遠宜草木以知名溫詔具頒舉江湖而自得外臺增重下邑均驩恭惟 某官受才高明履行中正聖門深造發爲金玉之文國器自將挺有鼎彝之列蚤壇公車之對

爰躋上第之榮天下謂登瀛洲盡閱圖書之祕郎官上應列宿首
推衡鑑之公當羣枉之厚誣蓋十年而三黜盜雖憎主天亦勝人
鵲鳩先鳴坐恐衆芳之歇碩果不食終逢君子之言乃眷名城亟
還舊物雖罷俗庸安於勞來而公朝未厭於簡求駟馬遄驅遠借
皇華之寵二星相燭近聯棠棣之芳少收轉漕之功即慶論思之
拜其濫由蚤歲獲齒諸生不圖流落之餘復有帡幪之幸門人應
對洒掃庶有取於初心俗吏期會簿書竊自憐於末路

憲使

賀任提刑啓

張安國

伏審近仙闈錦帳之擅昔聯輝於列宿瞻使者繡衣之斧今託此
於二天將祗奉於教條敢敬馳於書牘恭惟 某官學潛精粹德
秉純全素節清規表儀於鄉黨闕猷深議潤色於朝廷容臺正絕
禮之訛憲府極繩愆之効方佇荷橐之拜俄交蕩節之行千里上
游暫著平反之譽九關帝所即期趨召之歸其一去賓閣重更歲
六十七
方二十

齋躬耕下澤徒瞻睇於光躔假守偏州乃密依於蔭樾所異少寬
於程督庶將自力於拊攀

賀周提刑啓

呂濟叔

榮膺溫詔肅按祥刑傾朝共羨於寵光列郡從登聞其風采先聲甫
播歡誦交騰恭惟 某官智識達先器度凝遠曾襟今古功名皆
所自期骨氣公侯富貴知其未艾蚤通禁籍旋據要津郎官上應
於天躔御月輝連於尹日雖中袞政延於耆舊然南州願借其威
名皇華有光方下載馳載驅之問甘棠聽訟將興勿剪勿伐之思
一軺詎許其久留二節亟聞於走召其職當持版辱在望塵且蹤
迹自有升沉久隔同年之面儻道義不分窮達迺知今日之情

賀陳提刑啓

耿元鼎

伏審丹筆讞刑寵持星節皇華改旆近在日畿斷由當宁之知喜
動在廷之色光生治郡威竦屬城恭惟 提刑司諫敷文高明而
道中沉潜而剛克協契藻身之會踐揚蒲芻之班所願則學仲尼

敬王莫如孟子東山志在旋聞勇退於急流南國化行皆謂立登於要路屬經邦賦謀昇漕權欲錢穀之問不至於廟堂才豈嫌於因任使饋餉之行弗絕於道路禮難緩於召恩夫何大江之東暨乃湘河之右相望兩地平反皆欲於得賢所謂一天臨遣莫如於圖舊載念長安之遠近有數雪山之重輕恐懷夜半之恩輒慰日邊之見知弱翁藏器豈簿書獄訟云乎謂虛舜好生亡歎息愁恨可也力除民瘼想慰上心鞠茂草於園扉豈特受八州之陽報而高槐於公位會當為四海之陰涼某早覲光躔親承蔭宇不疑欄具誰阻先賀獲之趨商浩書函頌敢後典籤之貢其如欣抃罔既敷陳

賀丁提刑啓

陸子履

西掖出綸望宸旒而拜貺南州摠憲揚使節以生光屬在按廉舉同抃躍恭以 某官氣渾且粹名重而高得道先知削陳言於糠粃指迷後進炳至理於丹青鯨鱗學海之中虎視詞林之上會聖

方干

九

神之繼照慶賢哲之隆辰步驟都司翔翔林苑死未覆金甌之姓忽離玉笋之班采輅方下於九霄傳檄已清於萬里願惟治世久入化鈞羊皆懼於觸藩魚或容於漏網成康復古屢聞囹圄之空堯舜同風或用衣冠之畫敢期淑問尚屈皇華雖其鬱鬱於朝命然已深於帝簡行承優寵別踐榮途某蓬華地寒茂蘆質弱雖沐殘膏之霑巧未親大匠之詆訶采藻為羞幸預魯邦之樂折梅傳信阻參庾嶠之登餘莫保調少符頌望

賀王提刑啓

林 豈塵

伏審恩疏天闕榮總星臺老成人推舊之求士大夫不勝其喜言非私佞賀與衆同竊謂朝廷以外任而匪輕監司於它官而尤重雖本夫省覽風俗而後命又專以提點刑獄而為名若聽斷則存至公之心而欽恤不過有司之事至於郡邑之政必考其優劣與夫小人之吏當察其賢庸孰為是孰為非其可賞其可罰無為姑息徒欲希寬厚之名當示威嚴然後稱刺舉之職惟東廣總十四

州之版籍於南蠻通數萬里之梯航金貝綺縠之鮮華珠香象犀
之磊落小人藉此以行賂汗吏見之而循財度嶺以來仕皆有五
瘡之患引泉而飲貪遂成千金之懷居幕邑者每專其權司庫務
者咸濟所欲其間鬻獄撓法而罪猶貸免亦有倚勢作威而政以
賄求自謂耳目可掩而無所見聞各以肺腑相托而為之黨與或
剝下以奉上悉虧官而實私君者相煽以為奸百姓有冤而無訴
僅至是邦而必聞其政若聞此事則可知其人苟非繩三尺之文
烏能絕一方之蠹誰可任者公其當之恭惟 提刑敷文司業侍
講先生道高明而尊所聞氣剛大而養以直垂令名乎日月之下
得此聲於霄壤之間凡一時事業之設施迺平昔詩書之張本環
林圓海坐觀間席之儀篋屢細旃樂聽魏冠之講香寢重煩於卧
護琳宮旋即於清閒張留侯未許赤松之遊謝大傳當為蒼生而
起雖東府久虛於輔贊然南方尤望其光華攬轡而已示澄清褻
帷而欲開視聽正當豺狼可畏之路亦在鷹隼方擊之秋昨日私

方千

今日公勿謂有蘇軾二天之庇頑夫廉懦夫正若昔日聞伯夷百世之風
載歌六轡既均之詩惟恐有二節以走之召其自惟小子辱在門人自
嘗聞洒掃應對之言今獲備奔走招呼之役寸長尺短將受品藻
特達之知十幅八行取作尋常好伎之語矧官况自安於冷落奈
俗情猶笑其欲欺坳獨無李翱書記之才恨未遇侯文督郵之命
詎肯學豈有漏網之對當首獻無令敗羣之辭負弩笑之驅且將
陪縣令之後操几杖以往遂行從長者之謀欣抃良深敷陳罔既

賀呂提刑啓

伏審璽詔疏榮繡衣將命周爰咨度駟騏之我馬載馳遠有光華
原隰之皇華不易洗印已聞於三日褰帷先動於百城郵音一傳
輿頌四起我國家以外臺所任為重部刺史於它官尤難公漢朝
之制以六百石而掌奉詔條替唐室之令於十五道而分為採訪
其在刑獄則有提點發運之號如按州縣而為巡警黜陟之名雀
鼠無爭必能若召伯聽行露之訟狐狸何畏可無愧張綱埋都亭

之輪至於觀風俗而究熾惡之繇與夫察官吏則有賢庸之別訊
謠誦之美刺以審哀樂簿書之煩省以審決滯視墾田之盈縮以
稽本末賦役之薄厚以稽汙廉孰為是孰為非其可罰其可賞既
刺舉不私於勢利故觀瞻咸竦於風聲非徒重循行之權亦無負
澄清之志惟帝時舉則公其人恭惟某官道高明而尊所聞氣
剛大而養以直振鴛鸞之翼而騫翔於路垂虹蜺之光以熠燿
清朝又騰郎宿之輝屢應使星之瑞草木無識江淮皆知其威名
芻粟有餘閩粵斬於飛輓俄演綸而錫寵復持斧以宣風九重
之雨露惟新八郡之江山如故冠蓋旁午姑煩六轡此行衣鉢登
庸將見一門盛事某官甚下十室至窮未免塵埃奔走之勞爰
備弩矢先驅之役寸長尺短將受品藻特達之知十幅八行恥為
尋常好佞之語

賀張提刑啓

曹發之

伏審顯膺明命分摠祥刑弭節未前察星華之可想登車甫適溢
輿頌之已興載仰高風敢替慶牘恭惟某官直清宏偉博大踈
通三賦流傳已鏗鏘於金石六經浩博仍洞究於淵源惟才大故
兼數器而有餘惟道尊故謫九年而不屈高文大策謂非公其誰
宜為正色謹言雖於我不容何病永惟正直之是與終必功名之
可期激濁揚清聊惠綏於關陝獻可替否即左右於機衡某逮壯
而孤既貧且賤牛角之歌已久龍門之願不違假餘照以干榮雖
非所學就大方而發藥終冀有成

賀李提刑啓

鄭毅夫

荐被寵章榮將使指已臨封略再見士民致全蜀之生光望三莪
而增氣伏惟某官宅心忠厚稟性高明克著猷為茂膺簡在昨
聞弭節未即造朝雅志高情少揭江山之上渙恩異數再頒綸綍
之中方時多艱惟賢可進某立朝無狀生世不諧久抱沉痾自于
薄謫仰賴悒悒之大庇莫安朝夕之危蹤舉類進賢粗有心於前
日承顏接教遂適願於此時矧季弟懷嘗識之私而嚴君結交承

之好託契之厚舉世所希專使聿臨華絨下逮情文俱盡慰藉不
疎自惟放逐之餘曷勝始終之眷其如感慰罔盡名言

賀葉武提刑啓

熊子復

伏審肅奉制函榮分憲節屬鞬而侍天衣儀已亞於從塗把繡而
蒞星臺任獨隆於使指摺紳聳動原隰增光恭惟 提刑御帶秉
質粹和飭躬純正文辭特妙有老成之波瀾政術素優皆儒雅之緣
飾早膺宸綬又苞禁遊屬參景德按刑之章併除兩使庸輟咸平
帶御之職共察一方暫出惠於嘉師佇歸承於密命某比嘗引疾
本以丐閑猥謨明恩顧移劇任一麾重至自驚駕遲邁之身六轡方
來當奉澄清之化

賀鄧提刑啓

王致君

伏審光膺帝制榮總憲綱朝廷允賴於忠良郡邑聳聞其風采除
音誕布公議咸歸竊以有德為刑宜得盡心之君子非妄折獄當
戒少恩之法家如得其情則曾子務於哀矜閱實其罪則呂侯貴

方三

十二

乎審克既詳八辟以為之議又求三刺以斷其中寧失不經惟臯
陶然後稱士師之任例用中罰非蘇公不足充司寇之官美加謹
於于張善從寬於陳郭凡作天牧莫非哲人雖號為茂業謁然照
耀方冊曾未有微猷藉甚超踰古今屬二聖有為之盛時席千載
無疆之休運明德謹罰發政施仁同夏禹之泣辜効成湯之罪己
謂律令蓋非所以先在帝王不得已而用之雖禁暴止邪固當
嚴於法守而司政典獄亦嘗患於才難有能持近厚之心方可布
好生之德疇若子采曰惟公諧恭以 某官天與多能身兼數器
凜凜平古人之烈恢恢王佐之才明於見善而剛於用心究於執德
而篤於信道致用則木森森之武庫濟時則浩浩之樓航事有作以
皆成才無施而不可昔參大計何止有九年之儲今按謹刑將使
云一人之獄輶車鳳駕屬蜀部初臨聲光熠耀而清風襲人旌節
駢闐而和氣滿野方此觀風之始翕然布治之和不假埋輪當路
已為之震恐無煩攬轡遠方咸得以澄清轉呻吟而作謳歌化效

究而爲博朴上裨聖世幾拱而不用之成康下使嘉師知欽哉惟
恤之堯舜蓋將大任以貽蒼生之福故先煩使以觀智者之能道
大不可以小知器遠宜无以近用三千國典暫資明允之才九萬
天衢佇展翔翔之翼坐未容於暖席召行聽於追鋒伏念某黃卷
腐儒青衫委吏早自提孩童子之日稔服摺紳先生之名雖丘垤
仰泰山固無階而拜德然駑駘希逸驥常有志於望塵偶幸會之
自天繫底寐而得地備員曹掾隸職部封使節煌煌夙喜執鞭之
慕公庭殖殖佇諧欵板之趨踵元禮之門闌有同登坂識朝宗之
標矩不願封侯刺劍方彈鈇刀乍試一頓一笑莫聞咳唾之吹噓
三沐三薰庶使精神之凜雪樗櫟欣逢於匠石礪頑待鑄於洪爐
仰止南溟莫識鯢鵬之志依於大厦不勝燕雀之情

賀程提刑啓

黃夷甫

伏審中膺明命出揔祥刑凡在庇休舉深朴幸恭惟 某官性資
敏達襟韻粹和以適時之周才旁通於事物以盡性之道學兼摠
於憲章明辨絕倫直清不撓萬不疑之經濟名重公卿于定國之
仁心澤施孫子暫紆九列來惠一方行當踐歷於世官何止顯揚
於淑問某方塵州序最近使華念久企於光塵乃今諧於教載其
爲驪頌更倍等夷

聖宋名賢五百家播芳大全文粹卷第二十

聖宋名賢五百家播芳大全文粹卷第二十一

賀啓

憲使

賀梁提刑啓

張文饒

伏審榮被絲綸寵溢十行之札庸膺繡斧光分六轡之馳使指載臨權聲同致恭惟 其官識窮今古學際天人少鍾吐鳳之才蚤遂飛鵬之志華聯棟蓼難爲弟而難爲兄香襲桂枝無是父而無是子况存書於成績且進陟於要津果膺天眷之隆擢昇星軺之寵蓋羈君子之議獄無使小人之犯刑好生之德洽民心勉將明命大化之後亡人獄即奏成功任鞠草於園扉歸聯荷於從橐某塵頭相薄猿臂數竒冒寵南郊偶被陰陽之寇丐歸西蜀曲蒙造化之私更叨竹使之分即遂瓜時之往夜占星於益部已劇忻愉日仰斗於韓門第勤歸向

賀王提刑兼提泉啓

邵懷英

伏審榮奉絲綸顯膺繡斧受知萬乘夙揚御月之輝坐鎮兩臺益煥使星之望凡君休庇莫不忻愉恭惟 提刑大卿學識造微才猷經遠剛方自信瓊琳粹圭璧之資勁特不回松栢凜棟梁之器早緣簡注備歷顯華仰高名全節之爛然見盛德元勳之籍其姑從勇退密寄哀矜兼埶九路之權綱彌聳四方之瞻聽民無覓者方選衆而舉臯陶帝曰俞哉行協夢而得傳說非敢爲佞也斯拱而俟之伏念某鈔軔傷儒箕裘以族名薦書函下士雖曰未能了公事作癡兒尚期寡過載惟在賤猥託照臨維粹必恭實辱在編氓之數及瓜而往又叨承約束之餘雖踈愚無取於秋毫念幸會獲依於厦屋蹇步儻蒙於鞭策頑金永藉於陶鎔始終扶持俯仰媿懼未遂望塵之拜輒先修記之誠秋令方行祥鼓未斂室家相慶惟仁威刑恕之施福祿來宜異飲食起居之適其諸悃悞莫既

染濡

賀沈提刑啓

王德立

伏審顯膺宸煥就易使名四牡載馳雖鬱公歸之望三章所寄益知帝簡之隆凡與庇休舉增欣抃恭惟 某官淵冲內蘊峻潔外孚貫道以文妙馮先傳之學得時則駕適當獨斷之辰贊國是以一言張臺綱於衆正李勉論事固增重於朝廷汲黯首躬終少違於禁閤理輪望著攢轡風行逮比其年之成聿為諸道之法乃遷瑞節留惠遠人如國多祥景星仍出其分若歲上孰嘉雨自為之霖事由心一以素明政以公三而必信坐格平反之效趣還清切之途某夙奉教條首聞休命借鄰人之燭久已被於餘光有刺史之天忽遂蒙於私覆其為踴躍實倍等倫

賀馬提刑啓

魏伯友

一麾出守久為畫戟之木赫嚴八使巡行旋被繡衣之寵渥恩結巴江之上歡騰錦水之濱尚籍庇休愈深抃蹈恭惟 某官文章天巧學術淵深心曲薰香得周孔曾顏之妙筆頭搗藻追班揚韓柳之文又推衡鑑之公明解使魚龍之變化斯文盟主吾道儒宗竹冷松寒笑浪蕊浮花之淺峯孤鳥絕覺千巖萬壑之卑四出英聲荐膺膺仕金蓮夜照宜參十八士之遊銅虎遠分豈止二千石之寄上素聞為郡之惠愛歡亦貴得情而哀矜春動綸言霜飛玉節兒童父老喜瞻六轡之飛馳草木江天更得二天之庇覆其青衫後進黃卷晚生雖索米無能已落塵埃之域而振衣請益喜歸道德之師匪朝行遂於解龜拭目爭先於觀鳳其於欣抃曷究敷陳

賀劉提刑啓

陳元與

祗膺宸綍肅擁使轡總姻室之祥刑董閩封之劇部凡君甄播舉集欣愉恭惟 某官器略宏深風猷秀整幸際亨嘉之會亟躋清要之途含香握蘭早披九重之注倚登車攬轡獨揚八郡之光華凡當弄兵於潢池皆為服田之赤子憂寬南顧業贊中興威德並行已掬園扉之茂草寵靈方渥此封行闕之紫泥某受地一塵幸依雲庇効官千里阻靄霞標屬敬嘉備於鄰封稔修誠於記室瞻思清切喜愧惟并

賀何提刑啓

許仲應

伏審力避寵榮特膺靈遣錦闈漢有久爲醞藉之郎繡指閩封
遠見光華之使澄清伊始潤澤惟新伏惟 提刑郎中僊韻粹清
神標凝茂傳家之學原深而流長經國之文芒寒而色正蚤由妙
簡亟踐要塗白日到羲皇雖厭朝班之集青天上蜀道尚煩使傳
之征遠歸逐於追鋒蓋即聯於從橐復還勇退殊憇衆情詳獻
平反暫按列城之重託謨獻納行躋兩禁之崇某猥領將輸幸聯
事任京華旅食念嘗款於下風原隰載馳願更資於美蔭

賀陳提刑啓

沈元用

被命中宸陞華內閣駕軺車而載進從憲府以增嚴凡在幘幘益
深跋躡伏惟 某官學通治亂識照古今文章擅一世之英豪論
議得大臣之風采夙持瑞節出按丹書久資清謹之才大布平反
之惠威行一道羣有罔見於舞文智燭萬情列郡靡聞於寃獄仰
動遂疑之聽式頒優渥之恩峻乃清資蔚爲妙選碩封疆之不改
端前節以重新眷倚益隆頌言彌著明典刑以弼教戢茲方賴於
臯陶作舟楫以濟川弭難終煩於傳說某坐拘符竹阻望旌牙退
循孤拙之私尚久依棲之幸其如欣抃罔罄所陳

賀蔣提刑啓

胡邦衡

近膺詔旨移領憲綱驛置所傳部封增慶伏惟 某官仕塗軒鑑
儒術宗工振藻賢科躋榮要職承流宣化歡謠已著於二天攬
轡登車奏課獨高於諸道唯是重湖之外適爲舊治之方風采未
賒謳吟尚蔚阜財解愠茲有望於絃歌入境觀風行遂披於雲霧
某云云

賀吳提刑啓

景廷玉

伏審光奉詔除寵司邦憲見公朝選擢之重榮故鄉富貴之歸士
夫有識以相歡遐邇不謀而同慶恭惟 提刑中大瑞時金玉表
世羽儀名炳乎景星碩量吞乎雲夢中外備更於委任材猷顯
著於設施早按周行上膺異眷碧幢紅旆嘗專方面之權金節

綱衣復被祥刑之寄拜恩綸之優渥增畫錦之光華氣俗未春以
先和民吏不威而自竦顧攬纒登車之志已見澄清副垂裳側席
之思別觀登用其叨承邑政屬謙使封恭聞承命之已乎竊喜孤
根之有託同燕雀而賀大厦喜形心畫之飛披雲霧而觀青天行
望車塵之拜但深欣抃罔既敷陳

賀陳提刑啓

熊子復

伏審對揚天陛親奉玉音臨按日畿就更繡指異諸道皇華之寵
爲一時僊禁之階郵置初傳摺紳交頌恭惟 提刑敷文司諫鍾
才驚代蘊識際空學貫羣經尤邃春秋之旨文追衆作更工騷雅
之章立朝憂國而最號敢言奉使愛民而雅爲知務茲逐鋒車之
召遂承宣室之咨肆盡告於遠猷豈止陳於細務淵衷默合將獻
納於從塗華渚肇頒付平反於行甸諒非淹久旋已趣歸漢府持
綱定陸華於三獨舜節建輔仍進翊於萬幾其受知最深違教未
久逃聞新命固知道之將行私激危衷乃至喜而不寐

賀文提刑啓

王元嘉

光膺寵命移按祥刑入境而見吏民歡欣舊治下車而宣德意風
動列城是爲宦路之榮想見輿情之悅恭惟 某官冲虛而寡欲
沉毅而有謀豈弟茲祥蓋當今之長者聰明博洽寔是天下之丈人
蚤奮猷爲親蒙識擢御寺翱翔之久即曹踐歷之高博施經濟之
才暫領平反之寄江山從而增重固國爲之屢空六轡光華將徧
四川之廣一生名節即登兩地之嚴其以遠門闡謬臨民社靈漿
遠近難陪故國之兒童鼓舞嬉遊行逐深山之父老

賀梁提刑啓

史實之

伏審肅奉寶書榮將繡指巨室一國所慕克承先世之猷皇華六
轡載馳式副遠民之望澄清伊始潤澤惟新恭惟 提刑太丞醞
藉純深規摹宏遠故國非謂喬木本輔弼之名家學者仰如泰山
真典刑之前輩嘗考曲臺之制亦頒輔郡之條貫一節於險夷更
兩途於滯滯念全吳之沃時稱庶獄之繁起自家庭授之使節

蓋伯夷降典乃能析於民刑而仲甫令儀是可將於王命既彌文之綿絕信餘事以平反佇拜召環亟陞從臺其提分支郡實隸行臺即拜望於輝光庶躬受於約束

賀樊提刑啓

王仲信

伏審顯膺中旨榮領外臺凡仰庇休悉增慶抃恭惟提刑郎中識該且敏才裕而奇擢秀禮闈多士從其頤然之首揔曹華省百僚推籍甚之華文素播於南閩學光通於西洛二千石而出守方茂布於寬條尺一詔以傳郵俄改提於常憲雖千里不專於春色然列城舉被於恩波行覲吏囑而民懷抑致刑稀而訟息恐未溫於坐席即入踐於要津其以佐雷封尤資雲蔭使輜過境瑞曾觀於鳳凰竿牘馳清負實深於燕雀其於依仰未易叙陳

賀任提刑啓

陳子飛

伏以肅被宸綸榮分風憲仰使車而交慶碩屬部以增輝恭惟提刑直閣寺丞學博而器宏識精而慮敏論議粹六經之奧文章道三代之醇立事赴功早見嘉謨之遠大登車攬轡終聞雅志之澄清况朝廷天府之官持郡國繡衣之節方隆眷簡亟被褒遷刑期于無刑定著及平之文豈必使無訟允資寬郵之方將勤四牡之歸佇拜十行之詔趣班清禁協贊中與其將備邑丞即依使節恭祈約束聽按臨誠尚阻於披雲心實欣於賀厦冀加保練式副倚毗

賀張提刑啓

侯彥周

樞廷承制分使拍之權憲部擇賢慰朝紳之望迥然公議慰此輿情恭惟某官德蘊圭璋慮潛著自蔡雖校蓬山之上標韻冠於諸儒按行淡水之濱威稜溢於屬部旋被賜環之寵宜膺持橐之榮緬邈江湖心存魏闕激昂籌策名動漢朝果膺輔弼之知荐領將明之寄曾誼陸贄之學久懋魯佐時范滂周舉之勞豈容久外願益顯於業履方隆就於功名某衰病陳人羈孤陋迹去家百里聊同元亮之倦游有宅一區行作子雲之歸計

賀章提刑啓

王粹甫

就錫褒函易華憲府知威欲健訟之不起有至仁其惠之可憑益契上心大孚羣聽恭惟 某官師表後學法象前修淵默不耀而其際極於高明平易可親而其力莫之能屈諒能聲於蘭省植佳政於藩方自昔遠使以登進廊廟之資於今近臣必自踐揚中外以選欲拊善俗必先詳刑思加惠遠服之人迺重勞大雅之士其蚤自下國入觀上庠鼓壤篋以相歡分短檠而共讀唯當艱勤以有助故累歲月而難忘兄弟彫零又滄寒庭之三鳳交遊騰躡獨爲學舍之一猪豈期委弃灌莽之年復有奉望雲霄之日睇窮途而有感跂瑞節以知歸

倉使

賀吳提舉啓

鄭毅夫

宸綽渙恩軺軒出使膺九重之寵渥播百粵之光華邸報初傳輿情協慶恭惟 某官風猷卓邁器業恢宏夙懷康濟之資存歷清華之選顧茲鎮表界彼蠻陬通舟舶於南蕃實朝廷之外府舳艫四集琛寶旁流允賴強明往司經畫奉公謹罰不惟懲宿弊之浸牟富國生財將以佐中興之調度行書課最別副優優其幸屬下風將依巨庇有涯觀德無任傾心

賀李提舉啓

姜彌明

伏審臨遣漢廷總司閩使告猷前席已聞帝語之褒將命外臺預見民心之悅有識交頌不謀同辭竊以熙寧夫子之創規寔參異代常平使者之提領特峻它司累朝皆踵於宏模嗣聖必疇於雅望恭惟 提舉朝議李精探蹟才敏撥敏示明習憲章矧濟家傳之美緣飾儒雅宜推郡最之良比賜觀於彤庭亟寵分於翠節與封七聚暫顛舉刺之權華省六聯佇進論思之列某投閑甚久起發猶新末水假塗嘗獲趨於省無建山懷綬乃幸適於使臺寒色浸凝台旌徐邁願精頤於冲粹用少副於瞻依

賀謝提舉啓

孫仲益

入司帝藉蚤觀卯月之升出按藩條又快使星之睹竦百城之風
采馭六轡之光華恭惟其官文道古作者之風名山見大夫之右肅
持使節誕布王靈攬澄清之轡而豺狼之路益空校紅傷之粟而
鼠雀之輩幾盡平頌賦政直指宣威已訖外庸即膺大任其迹聞
新命倍激歡悌方修贄見之恭亟拜函書之辱門鵲在望固無千
里命駕之遙河章可航庶有一日分光之幸第深欣抃莫罄言宣

賀鄭提舉啓同年

林 豈塵

氈榜聯名長記帝鄉之日月駟輶望拜甘隨宦路之埃塵儻富貴
之无忘亦貢綠之有自恭惟 提舉郎中古人蘊藉當代老成文
章自得於菁華度量莫窺其涯淡屢試蕃宣之命游揚華要之途
方瞻郎宿之高輝復喜使星之東指辭漢廷而出帳涉胥水以張
檀幹山海以足因財咄嗟可辨省風俗而遵王志寬厚有餘豈坐
席之久溫宜賜環之趣召其青衫未吏黃甲故人姓名長借其齒
牙道義深銘於肺腑雖尺書久廢未嘗忘一日之間而樽酒相逢
豈意在十載之後矧輜車之初下在飛驛以攸聞適杜門政養於
沉痾然撫枕不覓而大喜手疾未閑於竿牘體慙徒望於羽旌尚
蘄尾德之有容不以私憂而獲譴猶懼問遲留之狀故歷陳遺卷
之情且桑梓必恭願事大夫之賢者雖江山之遠將求長者而見之

賀陳提舉啓

綦 叔厚

伏審皇華耀寵紫渥頒新載檀過桑梓之鄉擁節指魚龍之國光
聲甫暨和氣潛回恭惟 提舉中大吾儒老成斯道盟主文章自
得真訣義論綽有古風功名不負於自期富貴可知其未艾惟宸
宸政需於輔弼而使臺暫屈於詢謀我車之載馳驅遠被光華
之遣甘棠之勿翦勿伐將聞蔽芾之歌恐輜軒未下之間有墮詔
式遄之召其幼季故業長好遠遊寄生涯於環林圓海之中覽氣
象於名山大川之際登龍門之坂而奔趨後浪塞蟾窟之桂而收
拾殘枝初官恐誤於牽絲遠仕特緣於爲米其爲際會豈有貢綠
儻夫子之至是邦豈衆人之遇不我且陪縣令先爲負奴負天之驅

願當上官當下畏章服之拜

賀邵提舉啓

謝子山

伏審露章勇退錫節鼎來漢省高華斬馘銓郎之任閩封奧衍式
隆便使之權休聲所同和氣自至稿以攬范滂之轡方惠於遠民
載藩岳之輿更將於壽母豈特按澄於封部庶幾表密於摺紳恭
惟 擬舉郎中古李根經高文貫道佐成均之務行夙著於士林
贊司列之曹望溪隆於朝路簡求特厚恬養彌堅溶西清而彷徨
盍聯從橐循南陔之卷恋狼奉親闈東雁臨遣之榮佇見刀履還之
速其投閑甚久起廢猶新共理非良方奉皇華之政平反是喜尚
資錫類之仁嚮仰惟勤按裁旨既

賀謝提舉啓

孫逢辰

疏恩天闕榮總星臺聖天子博考以精求士大夫喜聞而樂言先
声遠到和氣隨生恭惟 某官學得乎中庸氣養其剛大方出赴
一旦汲汲功名之會當遂從諸公袞袞臺省之登惟當于今責
實以考能故建官未嘗重內而輕外雖離茗之司益優其選然簪
笏之論未愜所期六轡既均君固有禮樂之送二節以走公肯爲
嶺海而留姑屈是行即聽新命其遠將漕事幸同部封声跡相聞
恨无一日之雅朝夕願見實勞千里之情茲有望一軺之來敢先
爲尺牘之問如其喜躍異乎尋常

賀王提舉啓

劉寶賢

伏審祗膺綸綍進長使權惟朔方之奧區實天下之重地總漕之
寄選任唯艱碩茲寵榮屬在名德恭惟 某官望高而喜下才大
而有容學洞淵源辭該駸要入聯御列弭簡於淵衷出領使華殆
遍於劇部名旣美而德自稱効愈白而吝益歸爲時老成合在論
思之列寬上憂願更資富貴之謀某門戶已衰蹤跡不肖任愚抵
罪坎壈積年雖深愧於初心願自安於微分獲以驚蹇託於按臨
尚少借於餘輝冀復收於晚節其爲欣幸更倍等夷

賀胡提舉啓

許升卿

伏審賜觀紫宸分華卒節卷刑部君諸之成庸昔休才問清時郡
取之優翟將隆指訓之深厚原息光華竊以堯湯用心備敢志於
先具漢唐故事制皆重於常平振民當守於前規遣使必壽於高
望恭惟 提舉中大英艾萬往卓識祭空練達典章垂齊家傳之
美布宣條教久推吏責之良昨召對於漢廷亟總司於閩使節用
龍虎暫專刺舉之權履上星辰佇正論思之職某屬分侯屏密尔
使臺不月絨勝聊奉雙魚之素素有嚴英湧即迎六轡之華

賀錢提舉啓

陳阜卿

顯奉綸言進持玉節賜璽書以旌治效固優爲二千石之良歌皇
華而遣使臣况復善二百篇之對士民交慶車馬生光恭惟 提
舉監永遠業濟時真材經世秀發儒林之藻富藏李海之珍文擅
雄深無愧元和之閣老詩兼典雅律追大曆之才人况恢武肅之
慶源光演文僖之華胄茂揚世美益顯家傳自應匠監之除荐歷
州符之選減賓厨之釀忠清無愧於古人代民籍之祖惟擇特周
於赤子奏課已推於第一得名且擅於無雙茲就易於乘輅蓋將
陞於荷橐佇頒鳳詔往遙鷄翹其問道云初叨恩最厚聽郵音而
激烈倍倫等以歡愉念雖解組於是邦猶見里輪於當路司筦推
而察發歛既兼總於大權侍旒冕以声論思行即歸於中禁

賀王提舉啓

葛常之

伏審顯膺宸命擢領使權見材猷筮試之詳被君相選除之重消
辰視家闔境傾心恭惟 提舉判院氣清而和性明且敏抱璞玉
渾金之器廷碧梧卒竹之材智識遠照於物先風度迥高於鹿表
縉紳歸重早有俊声中外踐揚雅多成績計府久勞於媿書固成
其將漕之功泥封亟拜於新除就昇以平采之政豈待一封而乘
傳果馳駟馬以登車衣冠屬意以知歸民吏望風而相慶發藏天
地行上計於甘泉逆羽鳴鴻即聯班於紫禁某叨承邑政屬利使
封自憐踈晚之從復有依棲之幸同燕雀而賀大夏敢後飛書觀
小鳥鳳而冲丹肖固將拭目

賀張提舉啓

張仲友

伏審光奉宸因寵膺使命用正久虛之席式昭公選之朝士夫有更以知歸段还不謀而同慶恭惟 提舉中大望隆德厚識遠器宏乘差流積慶之源情鵠大封侯之裔更三朝而出處備見典刑有一節以始終成事業宜上心之簡眷被中詔之褒除屬茲大有之年寄以常平之政光華被路民吏望風不勞命駕之而已見登車之志繡衣均采佇收歛散之功丹旆思賢即聽登庸之召某叨應邑政獲利使封側聆成命之已孚公幸孤從之有託同燕雀而賀大夏敢後飛書波雲務以都青天固將拭目

賀王提舉啓

邵公實

伏審榮膺帝命山嶺使淮凡在庇休舉增抃蹈恭惟 某官珪璋令器郎廟真儒入侍免旒有富國強兵之策遠揚旌節總摘山黃海之堯四牡光華十州辰動號令一新於江右負財行贍於邦中佇聯一札之飛即正三台之照某守地千里在天一涯切比鷓鴣已幸投林之託敢同燕雀少輸賀夏之成頌永徒深波宣因既

賀張提舉啓

鄭得一

伏審遙奉尔書就而使節飛雷萬里已觀貨寶之堯司更八成益重均輸之寄按臨所逮抃蹈惟均六糶以常平所以阜民財免役所以紓民力漢司農建議於孝宣之世我 國家黃倉於京德之中足國裕民者知幾年分曹遣使者凡數路實仁政之所本宜累聖之究心必得真才以傳使事恭惟 提舉朝議半千名世三兩諸精早膺鼎重之料出祭唐代之運四十圍溜雨是成大用之資九萬里專風果展橫飛之亦然進退每由於直道故行藏无愧於古人中雖歸卧江湖之間益見養成廊廟之器迨權綱之摠攬果錄用於老成思廣邦儲屈臨船事未及其年之久已聞加責之疑乃奉宸俞易持倉節方成命之初下知柄用之有階万口歡呼自後輶車之至千人紅腐佇觀民瘼之蘇但虞坐席之未温即慶追鋒之促召某棲遲末路倥偬下僚自聆一札之頒喜有二天之託慶

雲均覆豈遺荆棘之微大厦將成尤深燕雀之賀

兩外宗

賀南外知宗啓

洪仁伯

伏審中膺帝簡外典宗藩明德以親幸比本根之族舉善而勸四
壽標的之英得賢有光與衆同慶恭惟 知宗郎中神鋒疑茂僊
韻遠清夙簡淵衷荐敷華貴郎闈緼藉既早預於銓條使節光華
亦久顯於漕畫宜大君之有命以伯臣而司宗用推九宸親睦之
恩即復兩禁論思之列其猥移偏障竊映餘輝注想宗壙碩專城
之有守萬忱竚續愧弄翰之不工

賀南外知宗啓

王晦叔

伏以拜綍宸庭祇奉齊家之訓下車閭服不忘躬國之心歸然德
望之隆宜此榮名之被恭惟 判宗都運大中善帛最樂猷克踐
修雖疏汎於銀河逾守兼於圭竇長才康濟告氣雄渾留愷悌
於荆門名知草木惣經常於淮路即凜冰霜事正心誠意之朝膺
立本端源之寄親睦九族暫歌行章之詩勤施四方佇述上瀝之
告其作依隣比深沐恩私佩教載以不忘期施爲而少效竭來涉
筆復遂望塵雍容話舊之情曲折振窮之意此心谷附有同在寢
之亦魚所執拘磨政類偷倉之雀鼠度終困幅仰瀆嚴尊

賀西外知宗啓

熊子復

中疏帝綍外畀宗成昔分西洛之都今萬南閩之會望四壽於陵
趾勢庸壯於犬牙恭惟 知宗節使高韻萬倫清標映谷離文韶
閨本前哲之規摹秉行粹溫實近親之標的蔚有令望播于清朝
屏翰王家表儀公族師干留務久已著於殊庸將鉞真除即遂膺
於顯冊某猥當煩使是比餘休頌近別於風姿已勤瞻系遠先承
於雲翰第切感銘

